

# 清鑑易知錄

八

內務省圖書  
 第十番  
 歷史部工七號  
 全八冊

|   |   |   |   |     |
|---|---|---|---|-----|
|   |   |   |   | 和書門 |
|   |   | 八 | 二 |     |
|   |   | 七 | 八 |     |
| 八 | 六 | 七 | 八 |     |
| 冊 | 架 | 函 | 號 | 類   |

|   |   |   |    |
|---|---|---|----|
|   |   |   | 和書 |
| 八 |   | 八 |    |
| 五 |   | 三 |    |
| 函 |   | 八 |    |
| 五 | 八 | 八 |    |
| 架 | 冊 | 號 | 類  |

|      |         |
|------|---------|
| 內閣文庫 |         |
| 番號   | 和 8628  |
| 冊數   | 8 ( 8 ) |
| 函號   | 185 63  |



清世祖章皇帝易知錄卷之五



北筑輔邗山緯伯經

南部 永根鉉元鼎

錫元寧 校


順治十二年春正月丙戌朔免行慶賀禮。戊子總督兩

廣李率泰奏報廣西土賊偽總兵廖篤增等負隅作梗官

兵進勦陣斬篤增。又賊渠李先等廖鳳等盤踞藤縣遂為

李定國聲援定藩左翼統官兵馬雄攻之生擒偽知府姜

炎斬獲無算。甲辰諭吏部等衙門曰人君圖治當虛己



清世祖章

卷之五

世祖

伍石軒

以求言。臣子效忠。必有猷而人告。况年來水旱相仍。干戈未息。滿洲兵丁。困苦至極。饑寒。百姓轉徙死亡。雖朕之涼德。寔因臣下政事不修。兵民失業。弭救無策。至此多艱。在京七品以上。文武滿漢官員。俱宜殫竭忠誠。共圖補救。凡職掌之內。向來積弊所在。見今整頓之方。詳切敷陳。以資採用。知其病。即備其藥。言其害。即舉其利。務要各抒所見。毋得浮泛空言。雷同塞責。負朕求言至意。再午。以起造。乾清景仁承乾永壽四宮。遣內大臣伯索尼等。祭告園丘。方澤。太廟。太稷。四宮后土。司工之神。辛亥。諭大學士額色黑等曰。朕惟平治天下。莫大乎教化之廣宣。鼓動人心。

莫先于觀摩之有象。夫精微之道。難喻顯蒙。而質朴之言。未詳證據。茲欲將歷代經史所載。凡忠臣義士孝子順孫。賢人廉吏貞婦烈女。及奸貪鄙詐愚不肖等。分勒別門。類勒成一書。以彰法戒。名之曰順治大訓。即于新春開館。特命額色黑金之俊。呂官為總裁官。王元咎沙澄等為纂修官。卿等受茲委任。須協力同心。殫思博採。務令臣民皆可誦習。觀感興起。壬子。自廣東奏報。擊敗賊渠李定國捷音。大理寺少卿霍遠言。皇上春秋鼎盛。正當及時力學。則日講之官。不可不專設。日講之事。不可不急行。試取大學論語。及帝鑒圖說。貞觀政要。大學衍義諸書。令講官日

講一二章。皇上精思明辨。躬體力行。則學有實用。于以追  
 踪帝王。坐致太平。有餘裕矣。下所司知之。癸丑。吏科副  
 理事彭長庚乞復睿王舊封。命議政王貝勒大臣密議具  
 奏。兵科都給事中魏裔介言。明罰勅法。設為刑律。所以  
 使民知而不敢犯也。今天下各衙門。止有律書一部。鎖閉  
 深藏。小民不得與聞。故犯法者甚衆。請勅督撫。將刑律有  
 關于民者。摘而刻之。令有司春秋暇日。為之講說。即學官  
 之中。亦令學官與士子不時講習。則明習法令。而不至干  
 犯法矣。甲寅。喀爾喀部落畢席勒爾圖汗溫布額爾德  
 尼並千庫圖克圖等上表。引槍掠巴林部落罪。來請和好。

進獻駝馬。

二月戊子。轉工部尚書劉昌。為刑部尚書。陞刑部左侍郎  
 李際期。為工部尚書。壬戌。大學士呂宮引疾三疏請告。  
 仍賜衣服鞍馬。令馳驛回籍。乙亥。喀爾喀部落濟布孫  
 丹霸庫圖克圖表請和好。進獻馬匹貂皮。丙子。冊封皇  
 弟博穆博和爾。為和碩襄親王。庚辰。以戶部尚書陳之  
 遴。為內翰林弘文院大學士。戶部倉場侍郎王永吉。為內  
 翰林國史院大學士。癸未。靖南王耿繼茂等奏報。逆賊  
 李定國自新會敗逃。臣等遣梅勒章京畢力免等。追擊賊  
 兵。敗之。擊定國步騎兵。勦殺甚多。獲其象二隻。定國渡江。

引去。遠遁南寧府。粵東高雷廉等三府十八縣。及粵西橫州等二州四縣。悉平。

三月丁亥。大學士黨崇雅將回籍。上賜衣帽靴鞋。戊子。

陞刑部左侍郎戴明說為戶部尚書。庚子。策試會試中

式滿洲蒙古貢士查親等五十人。吏科副理事官彭長

庚華職。彭長庚上疏乞復睿王封號福建巡撫佟國器獲同安侯鄭

芝龍與其弟鴻逵子成功交通私書。羈其使。具疏封下兵

部密議。甲辰。賜殿試滿洲蒙古貢士圖爾臣等五十人。

烏真超哈及漢貢士史大成等四百四十九人。進士及第

出身有差。丁未。和碩鄭親王濟爾哈朗等會議。續順公

沈永忠喪師失地。貽誤封疆。削籍為民。其公爵與准伊弟

兄承襲從之。庚戌。諭吏部曰。銓政關係重大。清直練達。

須得其人。王永吉著加太子太保。以內翰林國史院大學

士。管吏部尚書事。壬子。諭禮部曰。朕惟帝王敷治。文教

是先。臣子致君。經術為本。自明末擾亂。日尋干戈。學問之

道闕焉。未講。今天下漸定。朕將興文教。崇經術。以開太平。

爾部即傳諭直省學臣。訓督士子。凡理學道德。經濟典故

諸書。務要研求淹貫。博古通今。明體則為真儒。達用則為

良吏。果有此等實學。朕必不次簡拔。重加任用。又念先賢

之訓。仕優則學。乃傳諭內外大小各官。政事之暇。亦須留

心學問。俾德業日修。識見日益。佐朕右文之治。  
夏四月辛酉。喀爾喀部落尼爾得尼那木齊。台吉。門章墨爾根。楚虎兒。台吉。伊士布布尼爾得尼台吉。厄爾克代青台吉。遵諭。引侵掠巴林之罪。進歲貢白馬駱駝。來朝。優賞之。  
壬戌。廷試官貢監生王明道等一百五人。癸亥。以學士麻勒吉。胡兆龍。李蔚。侍讀學士折庫納。洗馬王熙。左中允方懸成。右中允曹本榮。俱充日講官。擇于本月二十五日開講。  
壬申。直隸真定靈藁城。奕城。行唐。隆平。新樂等七縣。及真定衛。兩電。傷麥。擊死人畜甚衆。再子。諭禮部。曰。朕惟人臣事君。勿欺為本。近來進呈登科錄。及鄉會

殿試等卷。率多隱匿年歲。以老為壯。以壯為少。甚至染剃鬚髮。飾貌美觀。國家開科。取士本求賢良。如此經行。賢良何在。進身之始。恣為虛偽。恬無羞耻。將來行事可知。更有相沿陋習。輕駢同宗。遠托華胄。異姓親屬。混列刊布。俱違正道。朝廷用人。量材授任。何論年齒家世等項。今科進士登科錄。及以後各試卷。務要據寔。供寫其餘。陋風悉行。改正。戊寅。廷試就教舉人東真等三百六十一人。歲貢生謙交泰等六百四十三人。恩拔副榜貢生杜同春等八百一人。丁丑。封和碩親王尼思哈。為和碩敬謹親王。親王齊克新。為和碩端重親王。癸未。諭內三院。纂修太祖太

宗聖訓。即于五月開館。特命輔臣馮銓車克成克鞏劉正宗傅以漸為總裁官。麻勒吉鏗泰等為副總裁官。王无咎揚思聖方拱乾等為纂修官。

五月乙酉。太子太保弘文院大學士圖海以本銜為刑部尚書。辛卯。和碩鄭親王濟爾哈朗薨。年五十七。甲午。

江南總督馬鳴佩疏報。偽伯陳其綸依附鄭逆。嘯聚大柘山內。參將孔國治等進剿。其綸敗遁。竄入寧都界內。土人斬首以獻。捷聞。丁酉。命固山額真石廷柱為鎮海將軍。

統領官兵駐防京口。己亥。乾清宮乾清門等安吻。文官四品以上。武官三品以上。齊進迎于正陽門。遣官祭琉璃

密之神。庚子。以少保戶部尚書覺羅巴哈納為少傅。兼

太子太傅內翰林弘文院大學士。辛丑。固山貝子吳達禮薨。乙巳。調禮部尚書覺羅郎丘為戶部尚書。諭倭

羅思國察幹汗。爾國遠處西北。從未一達中華。今爾誠心向化。遣使進貢方物。朕寔嘉之。特賜禮物。

即俾爾使人費去。昭朕柔遠至意。爾其欽承。永効忠順。以世恩寵。再午。調補工部尚書

李際期為兵部尚書。丁未。廷試歲貢生吉天資等五百四十八人。陞禮部左侍郎恩國泰為本部尚書。己酉。

陞吏部左侍郎衛周祚為工部尚書。六月壬戌。故明宗室朱以槩謀叛伏誅。戊辰。寧南靖寇

大將軍陳泰等疏報。偽南安王劉文秀率偽將軍盧明臣

偽興國侯馮復禮等賊衆六萬紅千餘艘分兵由常德攻岳州武昌而文秀自留攻常德。燾章京蘇克蘇哈邀擊之。焚獲紅隻甚多。賊衆大敗。明臣赴水死。復禮被重創。降其偽副將等四十餘員。文秀遁走貴州。捷聞。辛巳。命工部立內十三衙門鐵牌。勅諭曰。中官之設。雖自古不廢。然任直曹吉祥。劉瑾。魏忠賢等。專擅威權。干預朝政。開蔽緝事。枉殺無辜。出鎮典兵。流毒邊境。甚至謀爲不軌。陷害忠良。煽引黨類。稱功頌德。以致國事日非。覆敗相尋。足爲鑒戒。朕今裁定內官衙門。及員數職掌。法制甚明。以後但有犯法干政。竊權納賄。囑托內外衙門。交結滿漢官員。越分擅奏外事。上言官吏賢否者。卽行凌遲處死。定不姑貸。特立鐵牌。世世遵守。

秋七月乙酉。更定直省文武官相見禮。

八月壬戌。加巡撫揆江兵部尚書李日老太子太保。以纂造賦役全書告成故也。癸亥。命固山額真阿爾津爲寧南靖寇大將軍。統八旗官兵。駐防荊州。固山額真祖澤潤分防長沙。時孫可望等煽亂湖南。

九月壬辰。遣禮部右侍郎夔李棠祭故明殉難侍郎孟兆祥等八人。壬寅。靖南將軍固山額真朱馬喇等班師回京。丙午。頒賜異姓公以下文官三品以上。御製資政要覽。範行恆言。勸善要言。做心錄。各一部。

冬十月辛亥朔。上親試會試中式武舉人騎射于景山。乙卯。上御大和殿。策試會試中式武舉。戊子。賜殿試中

青月寶錄 卷之五 世祖 伍石軒



式武舉于國柱等進士及第出身有差。庚申喀爾喀部落土謝圖汗丹津喇嘛車臣汗墨爾根那顏等以和好約誓奏聞。

十一月辛丑喀爾喀部落土謝圖汗下喇嘛塔爾達漢那顏等遣使貢馬宴賚如例。

十二月乙卯靖寧海大將軍寧海將軍鎮海大將軍揚威大將軍。揚威將軍征東大將軍征南大將軍征西大將軍。征北大將軍鎮東將軍鎮南將軍鎮西將軍鎮北將軍。靖南大將軍。安東將軍。安南將軍。安西將軍。安北將軍。靖東大將軍。靖南大將軍。靖西大將軍。靖北大將軍。撫

遠大將軍。鎮西大將軍。安東大將軍。安西大將軍。安北大將軍。定南大將軍。定西大將軍。定北大將軍。定東大將軍。平南大將軍。平西大將軍。定南將軍。定北將軍。定東將軍。鎮東大將軍。鎮北大將軍。平東大將軍。平西將軍。平東將軍。靖北將軍。靖西將軍。征北將軍。靖東將軍。撫遠將軍。平北將軍。平北大將軍。鎮南大將軍。征東將軍。征西將軍。征南將軍。安南大將軍印。癸亥戶部言今年雖云卜豐而京師飢民尚有請照十年例每日每城發米二石銀一兩。自本年十二月。至次年三月。煮粥賑飢。用廣皇仁。得旨。所請正合朕意。著如議行。乙丑。以故翰林五經

博士朱邦相子煌襲父職。煌。徽國文公十五世孫也。頒行大清滿字律。己巳。多羅敏郡王勒度薨。年二十。甲戌。命固山額真宜爾德為寧海大將軍。統領官兵。征剿舟山。丙子。以喀爾喀部落俄齊賴土謝圖汗。那門額真車臣汗。岱青台吉等。遣使請和。命多羅安郡王岳樂。同其使臣。于宗人府。酌酒約誓。十三年。春正月癸未。諭內三院曰。朕惟紀一朝之得失。爰有史書。攷百代之是非。厥有通鑑。顧筆削互異。論斷相衛。卷牒雖紛。得申命寡。何以昭垂永久。號稱完書。朕茲欲將諸家所纂。廣加裒集。刪繁考訂。為一編。名曰通鑑全書。特

命巴哈納色黑劉正宗傅以漸為總裁官。又諭曰。自古平治天下。莫大乎孝。孝為萬事之綱。五常百行。皆本諸此。故孔子首著孝經。以昭後世。上有天子。下逮庶人。至孝之道。罔不備焉。朕觀其立言正大。著意深遠。苟非取古人言行。關乎孝道者。推而廣之。不足以彰其義。茲欲博採羣書。加以論斷。勒成一編。名曰孝經衍義。特命馮銓為總裁官。己酉。大計天下官員副使。崔成名等三百九十二員。各革職降調。致仕。有差。

二月丙辰。諭禮部曰。文武兩途。乃治天下之要務。不可偏重。今觀八旗各令子弟專習詩書。未有講及武事者。殊背

我朝以武功混一天下之意。爾部其酌量。每牛录下當讀滿漢書。子弟幾人。定為新例具奏。凡應試及衙門取用。均在定數之內。其定數外讀書子弟。各衙門毋得取用。亦不許應試。己未。午刻。河南空中有聲不絕。黑氣大如斗。光芒如燈。墜于寧陵縣。形似石。重五十三兩。戊辰。上以右春坊右庶子王熙精通滿書。以御服貂褂賜之。因諭諸豫等七人曰。爾等同為習滿書翰林。而王熙獨優。朕故加賜。爾等所學不及。亦當自慚。今後共益加勤勉。毋怠。因賜大學士金之俊。劉正宗。傅以漸。及王熙漢字表忠錄各一部。復以二十六部。分賜大學士陳之遴。及都察院漢堂上官。

漢科道官。靖南王耿繼茂奏報。我師抵南寧。逆賊李定國奔往隆安。鎮臣馬雄等擒其偽陽春伯李先等。陣斬偽參將杜紀等。俘獲無算。辛未。賜習滿書詞臣王熙等八人滿字資政要覽。及人臣做心錄各一部。丙子。上在南院。命兩翼內大臣蝦等。擐甲胄。閱騎獸。召內院漢大學士。翰林。及部院尚書以下四品以上各官。從觀。畢。復陳圍獵。以示羣臣。上命大學士覺羅巴哈納等。傳諭滿漢官曰。今觀風俗已變。人心習于澆薄。于從幼受業之師。略不致禮。惟重視試官馬師。至死猶敬。夫以理論。則自幼教育之師。終身敬之。為宜。若試官。朕所遣也。何敬之有。自後此等

委宜明示禁革之。吏科給事中王啟祚言。皇上博覽羣書。內院諸臣番譯不給。但臣聞自古帝王。雖孜孜好學。要不過講明修身齊家治國平天下之道而止。非若文人之習。以誇多鬪靡為長也。故卷帙雖極浩繁。而閱者無多。百家雖有同異。而採者益寡。無論其無補于治道。正以皇上之身。萬幾待理。必時加愛養。以迓無疆之休。請自今除四書五經。以及資治通鑑。貞觀政要。大學衍義。關切治平者。時今日講諸臣進講外。其餘姑且緩之。精神不泛用。則益固。智慮不旁分。則益專。以良喜起。庶績咸熙。亦可以優遊而坐。致隆理矣。報聞。已卯。諭吏部曰。大學士馮銓贊襄

機務。歷有年歲。恪慎勤勞。裨益弘多。朕近見其齒長力衰。難勝繁劇。應解院事。用便頤養。著加陞太保兼太子太師。秘書院大學士禮部尚書致仕。念其器識老成。學問充裕。可以文章資朕。著仍在朕左右。以備顧問。一切經文著述編摩。皆令專任。爾部即傳諭行。三月癸巳。命肅章京費雅思哈為議政大臣。庚子。內翰林秘書院大學士車克自陳。學識疎淺。難任機密。請賜罷斥。優荅不允。

夏四月辛亥。兩廣總督李率奏疏報。越西投誠偽永安王朱華塲。及偽總兵知府土司共一百五十餘員。繳偽印關

防四十四顆。辛酉。寧南靖寇大將軍固山額真阿拜津等疏報。官兵大破賊渠姚黃于尋陽之蛇退山。招撫偽官五十二員。兵民一萬一千三百餘名。俘獲人畜器械無算。癸亥。廷試天下貢生趙逵等八百九十六人。丁卯。陞兵部左侍郎覺羅科爾坤為吏部尚書。己丑。調兵部尚書孫廷銓為戶部尚書。辛未。都察院左副都御史魏裔介言。天下民生所以不安者。以雲貴有孫可望。海上有鄭成功也。孫寇所借兵力。洞蠻為多。今欲招徠遠人。但宜給以新命。不必追其前朝舊勅。至鄭逆出沒海上三十餘年。我欲搗其巢穴。恐水師少而未練。宜擇知兵大臣。沿海防

禦。坐而困之。庶蕩平有期矣。下所司議。壬申。陞吏部左侍郎梁清標為兵部尚書。吏科都給事中郭一鶚以圖治貴務實政。條上五事。一曰。勤于講學。為行政之大本。一曰。進退人才。為國家之首務。一曰。開源節流。為生財之大道。一曰。崇向節儉。為帝王之美德。一曰。安撫流移。為目前之急務。五月乙酉。少保兼太子太保戶部尚書覺羅郎丘。坐朱世德關稅缺額一案。不行察核。復為救援具題。削少保解任。庚子。加察漢喇嘛號達爾漢綽爾濟。以其出使外國。屢著勤勞。故也。

閏五月癸丑。土魯番遣使貢駝馬方物。丙辰。遣官祭江山社稷之神。安設乾清宮前。己未。乾清宮。乾清門。坤寧宮。坤寧門。交泰殿。及景仁。永壽。承乾。詔冲。鍾粹。儲秀等宮。成。合龍門。插剝懸牌。遣官祭后土。司工。司門之神。壬戌。廷試歲貢。關興。漢等五百三十九人。庚午。遣官諭祭故明殉難太僕寺丞申佳胤。諡端愍。

六月丁亥。予故精奇尼哈番祖大壽祭葬。如一品漢官例。仍加祭一壇。戊子。荷蘭國墨投為也。甲必丹物馬綏。掘遣使臣杯突。高齒。慈諾。皆色。賚表朝貢。併請定貢道。以便出入。得旨。覽表奏。慕義輸忠。航海修貢。深可嘉悅。所請朝

貢出入。著禮部議奏。壬辛丑。寧南靖寇大將軍阿爾津等奏報。湖廣容美宜應使。司土司田吉麟。以所部兵二萬。繳印。投誠。壬寅。降補原任戶部尚書載明。說為太常寺少卿。提督四譯館。癸卯。諭禮部曰。奉聖母皇太后諭。定南王女孔氏。惠助嫡裔。淑順端莊。堪翊虛範。立為東宮皇妃。爾部即照例備辦。候旨行冊封禮。上親試江南荐舉隱逸。陸貽吉于泚。

秋七月己酉。和碩襄親王傅穆博果爾。薨。年十六。庚戌。定遠大將軍世子濟度等奏報。偽都督總兵黃梧。副將蘇明。鄭純等同謀。斬偽總兵華棟等部兵四百餘名。率眾薙

髮獻海澄縣投誠。隨遣梅勒章京翁受等入城安撫。計降其文武大小偽官八十六員。兵一千七百名。提聞。壬子。上移居乾清宮。以和碩襄親王喪。免行慶賀禮。戊午。予三等精奇尼哈番祖可法祭葬。如例。

八月。丙子朔。遣官賞勅慰諭科爾沁國和碩土謝圖親王。巴達禮。和碩卓禮克圖親王。吳克善。烏朱穆秦部落。和碩車臣親王。察漢。巴拜。喀爾喀部落。和碩達爾漢親王。奔塔爾察哈爾國。固倫額駙。和碩親王。阿布爾。喀爾喀部落。多羅卓禮克圖郡王。滾卜。鄂爾多斯部落。多羅郡王。巴圖。科爾沁國。扎薩克圖郡王。拜撒哈爾。多羅達爾漢。巴圖魯。魯郡。

王滿朱習禮。多羅郡王張繼倫。多羅秉圖郡王額參。多羅郡王額爾德尼。高齊特。部落。多羅郡王噶爾瑪塞望。阿賴克爾德尼。敖漢部落。多羅郡王墨勒根。巴圖魯。馬濟克。蘇尼忒。部落。多羅郡王騰机忒。多羅杜稜郡王楮魯睦。奈曼部落。多羅達爾漢郡王阿汗。阿霸垓部落。多羅卓禮克圖郡王色爾哲爾。多羅郡王沙克厦。僧格。翁牛忒部落。多羅杜稜郡王博它和。巴林部落。固倫額駙。多羅郡王塞布屯。阿祿。科爾沁國。多羅郡王朱爾札哈。四子部落。多羅達爾漢。卓禮克圖郡王巴拜。喀喇沁部落。杜稜貝勒。古魯汗。希卜。蘇尼忒部落。多羅貝勒。噶爾馬。多羅貝勒。額駙。薩麻札。



扎魯特部落多羅貝勒扎穆布桑哈爾阿祿。科爾沁國多羅貝勒顧穆。鄂爾多斯部落多羅貝勒單達。烏朱穆秦部落多羅貝勒色冷厄爾德尼。鄂爾多斯部落固山貝子額林臣沙克察色冷。喀爾喀部落固山貝子奔色世希。扎賴忒部落固山貝子達爾漢和碩齊色冷。阿霸垓部落固山貝子綽博會達爾漢。翁牛部落固山貝子雙色。巴林部落固山貝子滿朱世禮。溫州杜爾伯特部落固山貝子色冷。喀喇沁部落鎮國公色冷。科爾沁國鎮國公阿濟格色冷。額駙綽爾濟烏喇部落輔國公楮冲赫。鎮國公裴巴杜巴之子海塞。扎魯特部落鎮國公毛奇塔特。喀喇車里克部

落鎮國公察哈代。土默特部落鎮國公顧穆商達爾漢。鄂爾多斯部落輔國公昂阿。鎮國公扎爾布。喀爾喀部落鎮國公扎穆蘇。鄂爾多斯部落鎮國公

有差。勅諭曰。爾等秉資忠直。當太祖太宗開創之時。即誠心歸附。聯姻効順。誓為屏藩。云云。朕自親政以來。不

年于茲矣。未得一見。豈朕忘爾等哉。蓋因地處事煩。萬機少暇。且痘症流行。爾等遠來之日。朕復出巡幸。是以相見甚疎。然相見之疎。固自有由。而懷爾之誠。時切朕念。每思爾等効力年久。戰伐多功。雖在寤寐。未之有敬。誠以爾等久不來見。恐有意不得上通。故特遣官賚勅。賜爾等緞匹。以諭朕意。嗣後有欲奏聞者。即應奏請。朕無不體恤而行。朕正思致天下于太平。爾等心懷忠直。毋忘太祖太宗歷年恩寵。朕世世為天子。爾等亦世世為王。享富貴于無窮。垂芳名于不朽。甲午。定土魯蕃進貢賞例。一峯駝四隻。給

西馬一匹。給緞絹各二匹。小馬三百二十四匹。給緞絹各三百二十四匹。金網鑽二錢。給絹二十匹。玉石一千斤。給



絹三百匹。小刀二百把。給絹四十匹。西弓四張。給絹八匹。花結二床。給絹八匹。鞍子一副。給絹一匹。鈴羊角四對。給絹六匹。鵬一隻。再申。考察漢人京官侍讀何采。編修張表。給事中王運熙。李人龍。御史李植等。七十二員。分別致仕。降調革職。有差。辛丑。兵部等衙門覆內大臣鰲拜。巴圖魯等疏。大閱典禮。自太祖太宗以來。舉行已久。今應酌古準今。三年一次大閱。閱畢。傳令大臣拜錨于御前較射。賜宴。次日。諸王貝勒率文武各官。上表稱賀。以光大典。從之。著為令。甲辰。荷蘭國貢使歸國。賜其王緞匹銀兩。勅諭曰。荷蘭國墨拔為也。甲必丹物馬。務掘惟爾。解在。西陸。居地險遠。歷代以來。聲教不及。乃能緬懷德化。効恭等親。擇爾貢使。杯突高。嚙惹諾。肯色等。赴闕來朝。虔修職貢。地逾萬里。懷忠抱義。朕甚嘉之。所有賞賚物件。大蟒緞二匹。

匹。粧緞二匹。倭緞二匹。閃緞四匹。藍花緞四匹。青花緞四匹。藍素緞四匹。帽緞四匹。衣素緞四匹。綾子十匹。紡絲十匹。羅十匹。銀三百兩。至于所請朝貢出入。貿易有無。雖灌輸貨貝。利益商民。但念道里悠長。風波險阻。舟車跋涉。閱歷星霜。勞動可憫。若貢期頻數。根煩多人。朕皆不忍。若八年一次來朝。員役不過百人。止令二十人到京。所携貨物。在館交場。不得干廣東海上。私自貨賣。爾其體朕懷保之仁。恪恭藩服。慎乃常職。祗承寵命。

九月。丙午朔。寧海大將軍固山額真宜爾德等奏。臣等領兵。至抗州。海逆偽總兵王長樹毛光祚。沈爾序等。侵犯大蘭山等處。遣兵擊敗之。斬長樹。允祿。爾序。并頭目。臣率師攻寧波。陣斬賊渠偽總制陳六御。偽英義伯阮思等。擒獲甚多。遂取舟山。捷聞。丁未。諭土魯蕃阿布都拉哈。自此以後。著五年一次來貢。壬申。追封和碩肅親王豪格。為

和碩武肅親王。癸酉諭吏部曰。朕思大學士既在內院辦事。不宜又在議政大臣之列。今後再不必令大學士與議。爾部即遵諭行。

冬十月庚辰。平西王吳三桂等疏報四川開縣偽巡撫劉希明。偽總兵張元凱。率兵丁一千三百七十餘家。投誠。癸卯。吏科右給事中王益明言。我朝兵制。統以回山。分隸牛秉。有事抽調。無事歸旂。即唐府兵制也。考明初設有五軍都督府。在外都司衛所。皆以助舊。各鎮總兵。俱帶府銜。征勦有功者。則內陞五府。又設十二團營。以使伯及戎政。尚書領之。居重馭輕。內外維係。幾三百年。無尾大不掉

之患。今日八旗。即十二團營也。固山梅勒。即團營之提督。協理等官也。制與前代。不謀而合矣。獨五府之設。尚未議立。恐各鎮總兵。勤勞于外。將來無內陞之地。乞勅大臣會議。或仍炤五府舊制。或以八旗更立八府。令各固山統之。而左右僉事。則以為外臣內陞之職。因時制宜。法莫善此。下所司叙。

十一月戊午。烏斯藏闡化王遣國師堅錯那卜等貢方物。宴賚如例。授投誠土司總兵官彭泓樹太子太保。賜貂裘弓矢鞍馬緞幣等物。

十二月己卯。冊內大臣鄂碩女董氏為皇貴妃。頒詔赦。

已丑。遣喇嘛錫喇嘛薩穆禪格龍賞勅印。封益挫監挫爲  
聞化王。丁酉。以冊封皇貴妃。加上皇太后徽號。爲昭聖  
慈壽恭簡安懿章慶皇太后。禮部以元旦請上詣堂子。  
得旨。既行拜神禮。何必又詣堂子。以後著永行停止。戊  
戌。以恭上皇太后尊號禮成。諸王羣臣及公主福金等。俱  
行慶賀禮。是日。詔赦天下。兵部覆廣西巡撫于時躍疏。  
巨逆李定國前在土司。遣妻張氏並家口。到省來投。請給  
住宅銀米養贍。以繫其心。併氏父張應選等。俱給月米。  
得旨。擁護來京。從優恩養。命太廟牌扁。傳書蒙古字。止書  
滿字。

十四年春正月甲辰朔。上拜神畢。詣太祖妃皇太后宮。行  
禮畢。御太和殿。諸王貝勒以下羣臣。上表行慶賀禮。元且詣堂

子禮行 辛亥。祈穀于上帝。奉太祖武皇帝配享。甲寅

寧海大將軍固山額真宜爾德出征于舟山。奏凱而旋。

乙卯。定遠大將軍世子濟度奏報。逆賊在福州府屬高齊

陸路。官兵進剿。斬首二百餘級。又聞泉州府大營地方有

賊千餘。官兵前往。擊敗斬賊首七百餘級。又惠安縣海港

內封涓沙格黃齊等三村。賊衆盤踞。署肅章京覺羅雅布

蘭等率兵前進。陣斬偽官二員。賊首一千七百餘級。獲大

小艇五百九十餘隻。盡行焚燬。丁卯。封和碩武肅親王

之子孟古爾和碩定親王之子塔爾納俱為多羅武郡王。戊辰兵科給事中金漢鼎言會典一書上自祖宗之規條下及庶司之職掌經緯具備纖鉅畢陳然以新憲而沿舊號非所以一王章定民志也今宜斟酌重訂名以大清會典仍請御製序文刊刻成書頒布天下再如海內古文祕錄所在多有宜時遣詞臣分道購求載籍既多然後博選名流校讐成卷用備大觀亦右文之一端也下所司議已已命大學士覺羅巴哈納額色黑蔣赫德充聖訓總裁官。

二月戊寅上諭大學士傅以漸日講官曹本榮曰朕覽易

經一書義精而用博範圍天地萬物之理自魏時王弼唐時孔穎達有注與正義宋程頤有傳而朱熹本義出學者宗之明末樂間命儒臣合元以前諸儒之說彙為大全皆于易理多所發明但其中同異互存不無繁而可刪華而寡要且迄今凡三百年儒生學士發揮經義者亦不乏人當益加採擇折衷諸論簡明洞達輯成一編昭示來茲爾等殫心研究融會貫通折理精深敷詞顯易務約而能該詳而不複使經義與旨炳若日星以稱朕闡明四聖作述至意癸未兵部言故明楚藩崇陽王朱蘊鈐與偽總兵李盛功等向化投誠甲申命每固山出子弟四員送于

理藩院。學習土白特書法。乙酉。東彝託科羅氏南去等來朝。進貢花黑狐皮。賜宴于禮部。仍賚遣之。己丑。吏科給事中張文光言。聖至孔子。贊嘆難以形容。考之古典。魯哀公誅文曰。尼父。未嘗加一字之褒。漢平帝元始元年。始加謚曰宣尼父。後魏太和十六年。乃改謚聖尼父。唐太宗貞觀十一年。尊為宣聖尼父。明皇開元二十一年。始進謚文宣王。元武宗至大元年。加謚大成至聖文宣王。明初因之。嘉靖九年。改主為至聖先師孔子神位。以孔子生不為王。歿而王之于理。未妥。且以文宣之號。未足以盡孔子。曰至聖。則無所不該。曰先師。則名正而寔稱。不可易矣。我朝

順治二年。祭酒李若琳不加考訂。請易至聖先師孔子神位。為大成至聖文宣先師孔子。不過仍元武宗之舊謚。而獨不稱王耳。臣謂追王固以誣聖。即使加以大成文宣四字。亦豈足以盡孔子之大哉。晉唐臣柳宗元有言。贊孔子之聖。譬如頌天地之大。謏日月之明。非愚則惑。今皇上事。事稽古。議禮制度。考文務求至當。宜仍改主為至聖先師孔子神位。庶質之先聖而無疑。傳之萬世而承遵矣。下所司議。丁酉。上躬祀歷代帝王。上諭立三官廟碑于盛

京之城內。碑文曰。自古帝王之創業興隆。莫不首重祀典。大凡有功德于民生者。則皆為之建壇宇。而通其於靈。蓋神既佑民。以福國。則國必為其崇祀。以報神。此廟貌之所由隆也。我太祖太宗手定其大業。拯斯民于塗

炭而登之。祗席。膺景祚之綿長。乃綏之福德。雖曰積功累仁。之所致。然而百神降之靈寔式。憑之矣。今者大清門之東。其三官廟尤神明最著顯。赫威靈。而及乎民德。其為最。大者歟。嘗攷之。道書而三官之神。乃有天地水府之別。凡國家當此于戈擾攘之際。急欲圖其康阜。而使時和年豐。室廬相慶。則天官可以賜福。主之。其或貫索厲于未空。金氣肆乎猶沴。欲使斯民秉道德。格是非。遠刑罰。而登乎仁壽之境。則地官可以赦罪主之。又或大軍之致凶年。大荒之致奇疫。源其肯災。而消其害氣。則水官可以解厄。主之。然則使民富。使民樂利。使民康寧。而因以默佑我邦家者。孰非神之賜也歟。嗚呼。發祥重地。未藉呵護之靈。凡我生民咸蒙乂安之福。爰命勒石。用表神功。以垂不朽。

三月己酉。奉太宗文皇帝配享園丘。及祈穀。多羅郡王塔爾納薨。年十五。謚敏惠。壬子。上奉太祖武皇帝太宗文皇帝配享方澤。癸丑。以太祖太宗配享禮成。赦天下。甲寅。詔直省學臣。購求遺書。再辰。復至聖先師孔

子神位舊稱。從科臣張文光請也。戊午。以織造。袞衣。遣

官祭司機之神。丁卯。定遠大將軍世子濟度班師。還京。

夏四月丙戌。廷試貢生房之范等六百八十九名。己丑。

上素服親詣園丘社稷壇。遣官公愛星阿詣方澤。尙書胡

世安詣天神壇。侍郎祁徹白詣地祇壇。祈雨。祭未畢。大雨

如注。壬辰。以固山額真羅託為寧南靖寇大將軍。統領

官兵駐防荆州。分遣固山額真伯修六十。駐防長沙。勅畧

因逆賊孫可望等煽亂湖南。騷擾地方。茲命爾宗室羅託為寧南靖寇大將軍。往駐劄。癸巳。陞吏

部左侍郎白胤謙為刑部尙書。戊戌。定水戰。跳船陞賞

例。一等船首跳者。賞銀二百五十兩。授一拜。他喇布勒哈

番。其次跳者。賞銀二百兩。授一拖沙喇哈番。以下有差

畧

五月甲寅。冊封和碩鄭親王濟爾哈朗世子濟度。為和碩簡親王。丁巳。擢宗人府啟心郎覺羅伊圖。為兵部尚書。辛酉。以平西王吳三桂率領大兵。而破嘉定之賊。及生擒其偽總兵龍名揚。又招降烏思藏之大乘法王。并大賓法王。及其四川三州十六縣。又擊敗其偽撫南王劉文秀馬步兵。又擒斬偽將軍王復臣等。因平靖其大寇。歲加俸銀一千兩。將其功績增注入冊。

六月己丑。立金太祖世宗陵碑。碑文曰。朕惟自古膺圖受其歿也。弓劍之藏。後世重焉。匪特陰陽之所景貺。寔亦遐邇之所繹思。故其代雖遙。崇禮不替。若聲教被于當年。而

園寢。溼于異世。此非所以昭德遠者也。朕撫有九有。于前代陵墓。未嘗不惓惓于心。申節所在。守護維謹。惟金朝之陵。在于房山者。前我師克。取遼東。故明惑于形家之說。疑于本朝王氣相關。遂剽斷其地。朕已已歲。我太宗文皇帝統師入關。念金朝先德。遣王貝勒大臣。詣陵致祭。明復加摧毀。且建立關廟。為歷勝之術。夫不達天命之有歸。而謬委靈于風水。移穴于林木。何其誕也。金朝垂祚百年。有餘矣。英主存碑。寔尤史冊。乃易代之後。兆域荒圯。祀典缺廢。撫今追昔。慨焉興嘆。金太祖世宗。已經享祀。帝王廟。其陵寢。命地方虔供春秋。外茲特諭禮臣。帝官省視。修其頽既。俾規制如初。併令有司。時祭無斁。嗚呼。廟貌既崇。特景仰于往哲。封壤重煥。用昭示于來茲。爰勅貞珉。以垂不朽。  
爾。  
辛丑。廷試就教。歲貢生張卯王捷等四百六十六人。  
秋七月戊申。革職欽天監回回科秋官生吳明炫疏奏。監正湯若望推筭天象舛謬三事。一遺漏紫氣。一顛倒紫參。一顛倒羅計。得旨。內三款著禮部察朋具奏。如虛議罪。

清明寶錄 卷之五 世祖 伍石軒

癸丑立叔和碩鄭親王濟爾哈朗碑，文曰朕惟國家膺圖  
鴻業勳庸既著于生前榮名宜彰于歿後故報功昭德勳  
碑墓道禮也况屬在懿親功高德茂褒崇之典尤當隆重  
者也叔和碩鄭親王濟爾哈朗乃太祖身莊親王之子忠  
貞天挺端亮性生秉志精誠夙懷英毅當我太祖武皇帝  
肇造丕基之時暨我太宗文皇帝底定鴻業之日王以本  
支之親膺心膺之任躬擐甲冑奮冒矢石始征蒙古賈魯  
特獲把革貝勒多爾袞鄂爾桑征伐高麗攻拔城地乃  
收服其國及征朔之都城攻取其大安口入邊之後敗其  
援兵五路招服馬欄峪諸堡又往踪跡其叛賊愛塔所在  
敗其兵而誅之駐守永平又下達昌遷安樂亭諸縣及蕭  
攝司廢乘心忠良行已端誠仰體皇考好生之心以至刑  
清法正而治兵輔政克殫靖供因封為和碩鄭親王迨皇  
考升遐宗室兄弟懷亂各有異謀惟王矢志翼戴永堅一  
心以定其大計此功高于社稷而較戰陣之績為尤重矣  
既而統其大兵攻拔明中後所前屯衛中前所諸城以後  
進征湖廣道出山東聞賊據曹孫偏師勦滅之及至楚境  
恢復寶慶府四府八州四十四縣又遣兵收服貴州五府  
七縣擊敗賊兵六十四陣誅偽王一偽總督一偽總兵十

四文武偽官四十一。收降偽總兵一。偽官六十九。遂定湖  
南。至若佐輔朝政益著勞績睿王忌王之忠誠龍輔政叔  
王改爲和碩親王及朕親政復封叔和碩鄭親王王克贊  
廟謨沃心前席其所裨益朕躬振節綱紀者助勦寔多方  
期益殫嘉猷以翼太平遂爾嬰疾遂至屬纊嗚呼若王者  
忠冠當時功昭後世可謂始終一德生死不渝者矣朕每  
切哀思輒深痛悼因念勳名既載于盟府而風烈宜表于  
隧阡爰述懋功顯揚忠義勒諸貞珉俾奕世垂之不朽云  
 八月乙亥先是兵部言將鄭芝龍併伊弟芝豹等俱就寧  
 古塔正法疏入命議政王貝勒大臣會議至是擬寧古塔  
 地方近江海成功賊船有水之地無所不至芝龍禁後恐  
 有疎虞應各用鐵鍊三條手足扣鍊令章京兵丁嚴加看  
 守從之辛巳禮部覆偏沅巡撫袁廓宇疏言衡陽石鼓  
 書院崇祀漢臣諸葛亮及唐宋之臣韓愈朱熹等諸位賢



者聚諸生講學于其中。延及元明不廢。誠為盛事也。偵明末兵人傾圮。祀典湮墜。今撫臣表廓宇倡率損修。表章前賢興起後學。所請祀典應察舊例照常致祭。從之。壬午。叙平定廣東之功。已丑。賜和碩簡親王濟度。和碩顯親王福壽。馬各四百匹。多羅信郡王多尼。多羅安郡王岳樂。馬各三百五十匹。多羅貝勒察尼尙善。杜蘭。馬各一百五十四匹。固山貝子溫齊。顧丹。馮洪。富喇塔。張泰。佛克齊。庫特爾。祐吞齊。哈馬各一百匹。

九月甲辰。命內翰林弘文院學士麻勒吉布顏。王熙。國史院學士折庫納察。不害。蘇納海。其祕書院學士常。魯。自色。

純。胡兆龍。李霽。祕書院侍讀學士巴海。馮溥。其弘文院侍讀學士方懸。成。左春坊左庶子曹本榮。其禮部尙書胡世安。兵部尙書梁清標。俱充經筵講官。丙午。上初御經筵。庚戌。叙復舟山之功。丁卯。戌。刻地震有聲。戊辰。上諭禮部曰。昨日入夜之時。而地震有聲。朕不勝悚惕之至。文武大小羣臣。俱當洗滌肺腸。力改前過。協心盡職務。求消弭其災異。若仍踐往轍。而天譴國法具存。何由可逭。此後朕躬或有闕失之行。或有錯謬之事。著內院輔臣據寔陳奏。毋得隱諱。爾部卽傳諭遵行。冬十月壬申。以開講日。祭告先師孔子于弘德殿。丙子。

皇第四子生。乙酉。上于南苑。躬擐甲冑。集部院三品以上漢官。及翰林科道。閱武命。內大臣及蝦員。擐甲。馳馬。丁亥。上諭工部。文廟崇祀先師孔子。所開典禮甚重。今以年久傾圮。若不作速整理。後漸頽壞。葺治愈難。因爾部錢糧匱乏。所需工料未能措辦。朕發內帑銀三萬兩。特加修葺。諸王貝勒大臣。及在京滿漢官員。願捐貲者。許令協助。爾部即遵諭傳知。己未。以昭事殿奉先殿成。遣官祭司殿司門之神。

十一月壬寅。皇第五子常寧生。壬戌。偏沅巡撫袁廓宇奏報。偽秦王孫可望乃與李定國不協。興兵相攻。而為定

國所敗。因此遣其偽將程萬里等。竟赴中路鎮。臣李茹春右路鎮。臣王平軍前投誠。仍請兵復讐。可望行至沙嶺。為偽總兵楊武追襲。殺殆。我兵馳援。賊方駭散。可望是以得乘其間。携其妻子而來歸也。計降其偽總兵都督二十二員。偽太僕寺卿一員。偽副參遊等一百餘員。兵丁家口五百餘名。馬騾五百餘匹。疏下所司。

十二月壬申。先是。吳朋炫與湯若望爭辨。水星伏見。上命內大臣公愛墨阿。及各部院大臣。同登觀象臺測驗。水星不見。下法司議罪。坐朋炫以奏事上書。詐不以實。律罪應絞。會赦免之。丙申。上諭戶部曰。皇太后聖體違和。今已

大清高宗實錄 卷之五  
大豫。朕心甚為欣慰。八旗及畿輔人民。應加恩賚。以洽歡心。茲發內帑銀十萬兩。一半給八旗兵丁。一半遣官賑濟畿輔貧民。爾部郎遵諭行。遣內翰林弘文院學士加一級。麻勒吉為正使。禮部尚書胡兆龍等為付使。賚冊印。封孫可望為義王。

十五年春正月庚子。上以皇太后聖體康豫。頒詔大赦天下。癸卯。掌欽天監印務湯若望進凌犯曆。甲辰。和碩簡親王濟度等議。皇太后聖體違和。皇后有失定省之儀。應如上諭。止存皇后之號。冊寶昭舊停止。箋奏許之。再命多羅信郡王多尼為安遠靖寇大將軍。同多羅平郡

王羅可鐸等統領官兵進取雲南。癸丑。定出征駐防將

軍以下。披甲人以上。馬匹額數。親王馬四百匹。郡王馬三百匹。貝勒馬二百匹。貝子

馬一百五十四匹。鎮國公馬一百匹。輔國公馬八十四匹。未入八旗鎮國公馬七十匹。輔國公馬六十四匹。將軍馬八十四匹。

副將軍馬七十匹。以下畧。甲寅。上親覆試丁酉科順天舉人。面諭之

曰。頃因考試不公。致茲親加覆問。爾等皆朕赤子。其安心。毋畏。各抒寔學。朕非好為此舉。欲求真才。故不獲已耳。衆

皆頓首稱萬歲。辛酉。庫爾喀部落塔爾善等貢貂裘花

黑狐皮。使狗國頭目贊爾庫等貢花黑狐皮。並賞賚如例。

丙寅。江寧巡撫劉宗韓疏舉孝子。是六安州之民張奮

志。父愈。明季時任四川布政使。司理問廳。因父死于蜀中。

經兵燹後。而音問遂隔絕。奮志乃誓死。覓父隻身。跋涉往還兩次。亦不避虎狼。于白骨堆裡。刺血滴骨。而識認。遂負父骸而歸。又太湖縣貢生章于國。賊陷城。母乃溺死。而城之南。積屍如山。遍覓不能獲。因環塘號泣。母僵屍立水中。忽作躍狀。遂赴水負屍而出。請照例旌表。

二月壬申。立興京顯佑宮碑。文曰。自古帝王。統御天下。必以仁義為本。尤懋恭肅。而崇祀明神。蓋期國祚變昌。俾兆民罔不康寧。欽惟神矣。大子

昊天。而事莫隆于開創。必以虔恪之心。蓋當加倍于尋常者。惟茲興京之所建。顯佑之宮。始于締造之初。昭事上帝之所。其關係甚重。而運祚靈長。神寔敬之也。其臣民瞻仰神寔勉之也。是以國家之膺圖御籙。固是我太祖武皇帝太宗文皇帝。開駿業而肇鴻基。本仁德而施政教。所致然荷茲天眷者。豈非誠敬萬靈。懷柔河嶽之故歟。是以天無所不在。事天之心。即無時不敬。謹稽王業所自始。地擅神

鼻。邇祖德所潛通。歆居上帝。朕夙夜寅恭。冀登上理。瞻念受命發祥之地。益深欽天率祖之思。已命有司。繕整維新。春秋禋祀。載表功德。樹豐碑以傳不朽。於戲艱難不昧。常懷對越之誠。丹牒丕彰。永保岡陵之固。後之子孫。臣庶其無忘朕敬事之意焉。 再戊會試天下舉人。勅諭朝鮮國王李滉。

今老察犯我邊境。擾害生民。應行征勦。茲發滿洲兵前往。于是需用烏鎗手二百名。王即簡發。並將一切應用之物。全行備辦。乃令的當官員統領。限于五月初間。送至寧古塔。

夏四月戊辰。殿試天下貢士。辛未。賜殿試貢士孫承恩等三百四十三人。進士及第出身有差。辛巳。廷試就教舉人史起賢等一百六十九名。恩拔歲貢生馮登鰲等七

百五十四名。再戊。上幸景山。觀內大臣及蝦等騎射。上躬擐甲胄。置帽。為的。騎射。三發俱中。內大臣及蝦等。射中者。每矢賞緞一匹。己丑。諭內三院。曰。翰林各官讀書作文。是其職業。不加考試。何以分優劣。別勤惰。除三衙門學士外。其餘翰林官員。朕俱親行考試。其應用一切等項。俱照例備辦。直隸河南山東總督張懸錫。至順德府。迎義王。同南北來各大臣宴畢。回公館。自到家。丁急救。未絕。有遺疏。直隸巡撫董天機。以其事聞。得旨。總督大臣。無故自刎。從古未有。其中必有重大急迫情節。著都察院參政等官員。作速前往。確察詳明。具奏。

五月丁酉朔。上遣學士折庫納。往訊張懸錫自刎緣由。懸錫自陳。迎節失儀。為學士麻勒吉所詰責。一時惶悚無地。遂引佩刀自決。具疏奏謝。得旨。張懸錫係朕特簡。罕以總督三省重任。卽有錯誤。屈抑情節。皆當陳奏聽候鑒裁。何至遽爾刎頸。殊失大臣之體。本當罷黜。但念其素行清謹。始著降三級調用。戊戌。義王孫可望至京。己亥。上御太和殿。義王孫可望朝見。癸卯。調工部尚書衛周祚為吏部尚書。再午。陞噶喇師傳圖爾哈圖為國子監蒙古祭酒。戊申。補假滿原任刑部尚書劉昌為工部尚書。癸亥。上諭吏部。曰。內院機務殷繁。需人贊理。胡安世著仍

以太子太保。陞內院大學士。衛周祚著仍以少保兼太子太保。陞內院大學士。李爵陞內院大學士。俱入直辦事。甲子。寧南靖寇大將軍固山額真羅托等疏報克復湖南及沅清等處。進取貴州省及平越鎮遠等府。先後共招降偽官兵丁四千九百九十餘人。其男婦九千八百餘名。口獲馬一千四百餘匹。象十二隻。

六月丁卯朔。調戶部尚書孫銓為吏部尚書。加太子太保。戊戌。平西大將軍平西王吳三桂等奏報。臣等自收服重慶。卽統兵進發。逆首李定國。劉文秀。遣偽將軍劉正國等。率賊衆象隻。在三坡紅關等處。據險設伏。以拒我兵。臣

等令馬步相兼。步步為戰。節節前進。賊遂奔潰。我兵疾追。賊由水西。遁入雲南。臣等收服遵義府并所屬州縣。招撫偽總兵及副參遊等官。計降賊兵五千有餘。臣等隨抵貴州。有偽總兵梁亦英等擁賊三十有餘。屯開州拒守。我兵奮勇分擊。大破陣。斬賊二千有餘。獲其象馬器械。遂克開州。捷聞。甲申。陞吏部左侍郎王崇簡為禮部尚書。癸巳。浙閩總督李率奏疏報。鄭逆擁衆直犯溫郡。平陽瑞安俱陷。全浙震動。請勅就近調發江寧。滿兵援勦。以固疆圉。下所司議。甲午。命禁京城之北面一帶地方。不許掘土。開窖燒甄。以固龍脈。

秋七月己酉。陞戶部左侍郎王弘祚為本部尚書。戊午。

改定滿漢官名。上諭吏部曰。本朝設內三院。有滿漢大學

內三院。祕書弘文。國史名色。大學士。改為殿閣大學士。仍

俱正五品。照舊例。兼銜。設立翰林院。設掌院學士一員。正

五品。照舊例。兼銜。除掌印外。其餘學士。亦正五品以上。見

任各官。俱照本品。改銜供職。以後陞授銜品。俱照新例。內

三院。舊印俱銷毀。照例給印。內閣。滿字稱為多里吉衙門。

漢字稱為內閣。翰林院。滿字稱為筆忒黑衙門。漢字稱為

翰林院。其侍讀學士以下員數官銜。滿名。照漢官稱謂。通

著察例。詳議具奏。六部。滿漢尚書。俱作正二品。滿字仍稱

阿里哈昂邦。漢字仍稱尚書。滿漢侍郎。俱作正三品。滿字

仍稱阿思哈尼昂邦。漢字仍稱侍郎。理事官。滿字稱為一

齊蝦喇哈番。漢字稱為郎中。俱作正五品。副理官。滿字稱

為愛惜喇庫哈番。漢字稱為員外郎。俱作從五品。主事。滿

字稱為額者庫哈番。漢字稱為主事。俱作正六品。司事務。

添設滿官。漢字仍稱為司事務。滿字稱為他庫喇布勒哈

番。俱作從九品。都察院左都御史。滿字稱為哈思戶額爾

機。阿里飛拜察喇昂邦。漢字稱為左都御史。俱作正二品。

左副都御史。滿字稱為哈思戶額爾機阿思哈尼拜察喇

昂邦。漢字稱為左副都御史。俱作正三品。左僉都御史。滿

字稱為哈思戶額爾機阿達飛拜察喇昂邦。漢字稱為左

僉都御史。俱作正四品。監察御史。滿字稱為邦察脈拖喇

哈番。漢字稱為監察御史。俱作正七品。經歷。改為司務。添

設滿官。漢字仍稱為司務。滿字稱為他庫喇布勒哈番。俱

作從九品。通政使司。通政使。滿字稱為阿里飛哈分布勒

哈番。漢字稱為通政使。俱作正三品。左通政。滿字稱為哈

思戶額爾機哈分布勒哈番。漢字稱為左通政。俱作正四

品。右通政。滿字稱為一齊額爾機哈分布勒哈番。漢字稱

為右通政。俱作正四品。左參議。滿字稱為哈思戶額爾機

愛惜喇喇哈番。漢字稱為左參議。俱作正五品。右參議。滿

字稱為一齊額爾機愛惜喇喇哈番。漢字稱為右參議。俱

作正五品。大理寺卿。滿字稱為阿里哈哈番。漢字稱為卿。

俱作正三品。少卿。滿字稱為一爾布哈番。漢字稱為少卿。

俱作正四品。寺丞。滿字稱為惜喇脈哈番。漢字稱為寺丞。

俱作正五品。寺正。滿字稱為一齊蝦庫。漢字稱為寺正。俱

作正六品。寺副。滿字稱為愛惜喇庫。漢字稱為寺副。俱作

從六品。評事。滿字稱為額者庫。漢字稱為評事。俱作正七

品。各衙門見任各官。俱照本品。改銜供職。其從陞除之銜

品俱照此新制。這改定之官名。通行傳諭于各衙門。滿漢  
政心郎。原因諸王貝勒管理部院之事務。而設。今之宗人  
府。其政心郎。仍照舊。其餘部院滿漢政心郎。俱著裁去。炤  
原品另用。其太常寺等衙門。滿漢官名品級。著一體詳議。  
畫一具奏。九卿科道會議。麻勒吉胡兆龍祁徹伯俱係簡任

近臣。乃借事作威。倨傲妄行。沿途受督撫餽遺。復苛索挾  
逼。總督張懸錫。情罪重大。麻勒吉胡兆龍祁徹伯俱均應  
革職籍沒家產。麻勒吉祁徹伯各鞭一百。為奴。胡兆龍責  
四十版。流徙尙陽堡。得旨侍郎祁徹伯革。拜他庫喇布勒  
哈番。并所加之級。學士胡兆龍革尙書銜。并所加之級。麻  
勒吉革去所加之級。再降二級。俱仍留原任。所給各項誥  
勅。俱行追奪。甲子。廷試就教。歲貢生江元馭等六百二

十一人。

八月丙子。平西王吳三桂奏報。偽興寧伯王興。為李定國  
調赴雲南。其將卒家口留駐。綏陽臣兵至桐梓。與子偽總  
兵友臣差。偽中軍朱尙文。迎赴軍前投順。興亦自雲南脫  
歸。至軍前謁見。又有偽侯偽將軍等。共帶家口七千餘。及  
水西宜慰使安科等。具啟投誠。

九月己亥。故明崇陽王朱蘊鈐。携家投誠。壬寅。遷東京  
祖陵於興京。甲寅。改大學士覺羅巴哈。總金之俊。仍以  
原銜。為中和殿大學士。兼吏部尙書。額色黑。成克鞏。鞏以原  
銜。為保和殿大學士。兼戶部尙書。蔣赫德。劉正宗。以原銜



為文華殿大學士兼禮部尚書。洪承疇傳以漸胡世安以原銜為武英殿大學士兼兵部尚書。衛周祚以原銜為文淵閣大學士兼刑部尚書。李蔚為東閣大學士兼工部尚書。乙卯上以秋報禮祀上帝壇。

冬十一月甲申朔遣官祭三皇。

十二月己巳命大學士巴哈納金之後衛周祚等校訂

大清律。壬午江西巡撫張朝璘奏報有故明宗室朱議

滄偽都督王祐偽經畧彭理等并偽文武官一百餘員及

其從者有三千餘人詣于南昌縣投誠。乙酉陞禮部左

侍郎鄒赫為本部尚書。

永根奕孫再校

清世祖章皇帝易知錄卷之五

清世祖章皇帝實易知錄

卷之六

Blank page with vertical lines for text.

清世祖章皇帝實易知錄卷之六

北統 邨山緯伯經

同編

南部 永根鉉元鼎

兄 錫元寧 校

順治十六年春正月庚子初安遠大將軍信郡王多尼征西大將軍平西王吳三桂征南將軍固山額真趙布泰會于平越府之楊老堡議分兵進取雲南訂以十二月乃會師雲南省地城多尼兵至安壯斬其偽劉將軍追至盤江賊兵焚鐵鎖橋遁去我兵乃作浮橋而濟至松嶺衛偽鞏

清世祖章皇帝實易知錄

卷之六

世祖

伍石軒

昌王白文選率兵二萬餘拒敵。我兵分路進擊，大敗之。遂進抵雲南三桂，兵至七星關。文選屯兵守險，乃從水西苗獮界間道度關，以襲賊。之後，敵人望風遁去，遂直趨烏撒。趙布泰兵至盤江之羅顏渡口，敵人扼險，沈缸。我兵不得渡。按誠土司知府岑繼魯獻策，從下流十里取所沈之船，乘夜潛師而濟。賊倉惶逃潰。梁瑞津有偽伯李成勳屯兵有萬人在于山谷口，而我兵環山四面夾擊，乃大敗敵衆。斬獲無算。時有偽晉王李定國全師據其渡河口之山頂，而趙布泰遣兵登山奪其形勝，賊列象陣來爭山。我兵合力奮擊，因大敗之，獲其象隻至陸格。定國復率三十營之

兵列柵而拒之。趙布泰分兵爲三隊，張左右翼擊之，再戰俱捷。追至四十餘里，所獲象馬甚衆。時聞敵人尚據鐵鎖橋，乃從普安州間道入于雲南。三路天師俱入省城。李定國自文選與王永曆奔永昌，至是捷聞。壬寅，上諭吏部曰：太祖朝蜚英東參贊廟謨，恢擴疆土，戰績獨偉。允爲開創佐命第一功臣，已經配享太廟。其後人止世襲精奇尼哈番，未稱其功。朕因追念其勲勞，欲加以延世之爵。爾部卽酌議來奏。丁未，大計天下大小官員按察使王廷賓等九百五十四員，各革職降調致仕有差。辛亥，初命理藩院察外藩蒙古諸王貧乏者，許列名奏聞。至是理藩院

言蘇尼忒部落杜稜郡王鄂爾多斯部落谷祿郡王阿霸  
 垓部落沙克廈僧格郡王俱為貧乏詔各賜其馬一百匹  
 牛五十頭羊一千口。癸丑吏部議功臣蜚英東開創佐  
 命功績獨偉與尋常議叙不同應將其孫襲一等精奇尼  
 哈番特陞為三等公報可。事入土。三月癸巳理藩院奏言據歸化城土默特部落固山額真  
 古魯格等咨稱其席勒圖庫圖克圖再生于阿穆爾之地  
 方伊姪溫春送至並未詳其真偽臣院應差官一員會同  
 古魯格等與衆喇嘛詢問的確至日奏聞上以佛無定在  
 這所奏無益不允。辛丑予故固山額真雄科羅巴圖魯

安飛揚武謚敏壯立碑安飛揚武當太祖武皇帝開創時  
 効力有功因賜名雄科羅巴圖魯授固山額真擢居五大  
 臣之列至是其孫工部尚書孫塔請謚建碑詔追恤之  
 丙午建明崇禎帝碑命大學士金之俊撰文文曰臣嘗觀  
 蹟邦國興替之由使後之人得而效焉以為治戒者其義  
 莫詳于史大約國之興也創業開基之君莫不有應天順  
 人之舉積功種德為累葉之所憑藉其也必末季之主  
 或天資刻薄殘民以逞或黯弱昏庸太阿旁落或甚而縱  
 欲敗度滅裂綱常種種失德難以枚舉皆有自取滅亡之  
 道即國祚之修短不同而覆敗相尋異世一轍書曰與治  
 同道罔不興與亂同事罔不亡非虛語也哉我皇上聰明  
 睿智典學惟勤涵泳六經之暇尤研精史書舉前代之是  
 非往事之成敗靡不溯源窮委一一究其指歸而於明朝  
 興亡本末更瞭如指掌於是深晰崇禎帝之所以失天下  
 者厥咎有在非末世亡國之君可同年而語也但當時既  
 無寔錄日後慮多傳疑厯眷懷之惻惻于順治十四年二

月內爰諭工部立碑表章恭繹天語一則曰明崇禎帝尚為孜孜求治之主祇以任用非人卒致禍亂身殉社稷再則曰若不急為闡揚恐千載之下竟與失德亡國者同類而並觀也嗚呼宸鑒及此不能不令人低徊歎息頌我皇上之明並日月發神光于幾沈德邁興王昭公評於隔代真前此紀載中未有之盛事也茲工部遵諭確石成皇上特命臣之俊為文以勒之碑臣係故明累臣矢殉溝壑幸違未清之會再續餘生既捧徽綸而感涕益驚專命而徬徨以諭陋昏耄如臣何能述闡遺微仰副皇上表章之盛心然不敢不就見聞所及謬述其槩以竊附史官之職也按崇禎帝本以英敏之資潛德藩邸繼膺大統當即位之始正孽璫煽亂之餘中外危疑獨能不動聲色芟夷大憝如秋風振稿因目擊人心盡懷盡屬如醉如夢之流法紀廢弛釀成不痛不癢之習銳意更弦猛圖法祖恤民隱畏天災嘗蔬食布衣痛自貶損講幄之咨詢不輟平臺之召對屢勤一段宵旰靡寧想望太平之意誠有如上諭所云孜孜求治者假令當時有先憂後樂之臣同心一德匡濟時艱小康猶可坐致即或中材之佐警戒綢繆尚得彌縫歲月其如怙偷積玩貪黷成風下吏之精神專用以鑽營結納大僚之好尚唯在乎位高金多以致民窮盜起然發

難之初不過西陲一隅亦何難以國家全力制之而上下相蒙以賊為讎嘯聚之勢日熾月盛攻城掠邑有同破竹然後舉國張皇紛紛議選將議抽兵議加派議設總理總督重臣臨渴掘井毫無成算以言勦則控劔屢聞以言撫則招徠無術至于驕兵悍將反借賊勢披猖為護身符來不能禁去不能追遂蔓延流毒秦晉楚豫巴蜀鯀大江以北所在騷然而朝端之上方爭洛蜀之黨日構玄黃之戰厝口怡堂獨以賊遺君父憂間有一二耿介特立之士以公忠體國為念又往往不安于其位一時內外文武事權在握者無一實心辦事之人矣致令仁朋銳治之主不幸而丁中葉陵替之後起弊扶衰萬難措手兼之孑然孤立于上四顧盈庭茫無可倚譬如庭羸之夫病之初中尚在膏肓膜腠理之間中醫猶能按脉而治及耽延日久深入膏肓雖有盧扁枚療安施豈非天之所廢莫能興之而人謀之不臧適任其咎者耶攷史傳所載凡末世亡國之君履車之轍而崇禎帝並無一蹈焉乃身殉乎宗社而不引天亡之語亦綦烈矣嗟乎傷哉有君無臣禍貽邦國竟若斯哉此明代往事之可為痛哭流涕者也我皇上深用憫惻而欲急為闡揚是孔子當年作春秋之心褒貶出乎至公瑕瑜毋令相掩俾天下後世之讀明史者咸知崇禎帝之

失天下也。非失德也之故。總由人臣謀國不忠所致。庶後之為人臣者。悚然知所戒。而後之為人君者。亦知慎於用人也。已。然則煌煌睿諭。明乎制治保邦。勿玩小寇。而彌寇必以安民為本。而安民則又以知人為本。云。此匪直昭一時之信史。乃實著乎萬世之常經耳。蓋未為君若臣之寶鏡云。

戊申。浙江巡撫佟國器

疏報海逆謀犯太平官兵擊敗。斬有七百餘級。俘獲百有餘人。併獲器械六百餘件。捷至。甲寅。命平西王駐鎮雲

南。平南王駐鎮廣東。靖南王駐鎮四川。

閏三月辛酉朔。更定在京各衙門滿漢官銜品級。甲申。

革刑部尚書圖海職。為民。丙戌。授偽新津侯譚弘為慕

義侯。偽仁壽侯譚詣為向化侯。

夏四月甲寅。喀爾喀部落畢席勒爾圖。汁魯布藏諸顏車

臣濟兀昆都倫扎音等。以盟誓修好。遣使進歲貢。遣梅勒

章京多克新等。賫勅獎諭。仍厚加恩賜。安遠靖寇大將

軍信郡王多尼。平西大將軍平西王吳三桂。征西將軍固

山額真趙布泰等。疏報。臣等追勦偽永曆。師至鎮南州。聞

偽鞏昌王白文選擁賊。在玉龍關。隨遣噶喇昂邦白爾黑

圖等。追勦。白文選拔營先遁。我兵追及。賊迎戰。隨擊敗之。

獲偽鞏昌王金印一顆。生擒偽總兵呂三貴。并獲象三隻

馬一百四十四匹。至永平縣。賊縱火燒瀾滄江之鐵鎖橋。遁

去。臣等乘夜發兵。渡江。克永昌府。偽永曆及李定國遁走

騰越州。我兵渡瀘江。定國伏兵于磨盤山上木柵內迎敵。

我兵分爲八版衝擊。噶喇昂邦白爾黑圖等領前鋒先登。斬僞伯竇名望。固山額真沙黑布等繼進。伏賊將發。我兵力戰復敗之。賊遁入名門走。夜逸去。遂克騰越州。復自騰越追勦。過南甸至孟材。賊從三宣六慰路遁去。乃班師回省。捷聞上嘉獎之。丁巳。平西大將軍平西王吳三桂奏報。大兵克滇之後。僞慶陽王馮雙禮同僞德安侯狄三品等奔逃。四川建昌衛臣再三招徠。雙禮執迷不從。狄三品等用計執之。以獻。并繳僞慶陽王金印一顆。大將軍金印一顆。金冊一副。救一張。云得肯。雙禮就擒。殺之。無益。始饒死。昭朕好生之心。吳三桂又奏報。僞延長伯朱養恩僞

總兵龍海陽僞副將吳宗秀等。爲李定國守四川嘉定州。今率衆投誠。

五月壬戌。兩廣總督李栖鳳疏報。僞江夏王。僞知府姬珖。並賊渠陳奇策等就擒。南寧太平思恩等府底定。壬午。貴州巡撫趙廷臣疏言。貴州古稱鬼方。自大路城市外。四顧皆苗。其貴陽以東苗爲夥。而銅苗九股爲悍。其次曰猓。曰狔獮。曰八番子。曰土人。曰峒人。曰蠻人。曰丹家蠻。皆黔東苗屬也。自貴陽而西。裸裸爲夥。而黑裸爲悍。其次曰仲家。曰宋家。曰蔡家。曰龍家。曰白裸。皆黔西苗屬也。雖種類不同。要皆專事鬪殺。父子兄弟奉處。強凌殺暴。絕無禮

義仁讓之教。其由來舊矣。故取苗者。往往急則用威。威激而叛。緩則用恩。恩濫而驕。虞舜用干羽。漢武封夜郎。武侯縱孟獲。非故寬之也。云。今後土官應襲年十三以上者。令入學習禮。由儒學起送承襲。其族屬子弟。願入學者。聽補廩科貢。與漢民一體仕進。使明知禮義之為利。則儒教日興。而悍俗漸變矣。下所司議。

六月庚子。朝鮮國王世子李柁奏。其父國王溟以本年五月初四日薨逝。懇請賜諡。溟母趙氏亦奏請以柁襲爵。壬子。海寇陷鎮江府。癸丑。平西大將軍平西王吳三桂奏報。官兵進取川南。偽總兵杜子香等及偽官俱繳印割。

投誠。叙州馬湖二府底定。

秋七月丁卯。命內大臣達素為安南將軍。同固山額真索洪燾章京賴塔等統領官兵。征勦海逆鄭成功。戊辰。故明廢宗朱義盛謀反。益其黨舒瑛。張定之。李勇士。李贊美。譚武。周陳。國輔。魏名。觀。徐介。石俱伏誅。丙戌。禮部覆憲臣袁懋功疏請。照會典舉行禘祭禮。制曰可。

八月己丑朔。江南總督郎廷佐奏。七月十二日。逆渠鄭成功親擁戰艦數千。賊衆十餘萬。登陸。攻犯江寧城外。連下八十三營。絡繹不絕。安設大砲。地雷。密雲。布雲梯。復造水柵。思欲久困。又于上江下江。以及江北等處。分布賊艘。阻



截要路。于七月二十三日。發總督提督兩標綠旗官兵。并  
 梁化鳳標營官兵。從儀鳳鍾阜二門出勦。賊踞木柵。併力  
 迎敵。各將領奮不顧身。冒險先登。擊歿賊衆無算。次日。五  
 鼓齊出。賊已離營。屯扎高山。擺設挨牌火炮。列陣迎敵。我  
 兵自下仰攻。鏖戰多時。賊始大敗。生擒偽提督甘輝。并偽  
 總兵等官。陣斬賊衆不計其數。燒燬賊艘五百餘隻。餘孽  
 順流敗遁。庚寅。上御經筵。再申。經略大學士洪承疇  
 奏報安南國都將太傅宗國公武公恣遣日吏王川伯鄧  
 福綏朝陽伯阮光華齎啟。赴信郡王軍前。摠忱納款。報聞  
 甲辰。旌表定南王下失陷桂林時。殉難節女牛氏孔氏

等一百一十九口。給銀建坊如例。庚戌。戶部左侍郎林  
 起龍請更定綠旗兵制。疏略曰。今天下綠旗營兵幾六十  
 萬。每歲費月糧二百餘萬石。餉銀一千餘萬兩。然而地方  
 有事。卽請滿洲大兵。是六十萬之多。曾不足當數萬之用。  
 云今總計天下綠旗兵共六十萬。誠抽得二十萬精兵。養  
 以四十萬之餉。餉厚兵精。地方有警。戰守有人。不致動請  
 天兵。不過十年。可使庫藏充溢。不然。天下之大。處處俱待  
 滿兵。不亦勞乎。上所奏深切時弊。多有可採。下所可詳  
 議。

九月癸酉。殿試天下會試中式貢士朱錦等。乙亥。上御

太和殿。傳臚賜會試中式貢士陸元文等。進士及第出身。有差。丁丑陞刑部左侍郎杜立德為本部尚書。戊寅遣工部尚書管侍郎事郭科。禮部侍郎祁徹白。諭祭故朝鮮國王李湜。謚曰惠宣。遣大學士蔣赫德。吏部侍郎覺羅碩博會封朝鮮國世子李柵為朝鮮國王。世子妃金氏為王妃。錫之鞍馬貂裘絲幣等物。辛巳。諭禮部曰。興京祖陵乃發祥重地。宜隆顯號。以展孝思。今尊稱為永陵。應行典禮。爾部即察例具奏。

冬十月丁酉。禮科右給事中楊雍建言。六經之道。炳若日星。四書所以發明六經。而集註又以發明四書為功最鉅。

臣從坊刻中。見有四書諸家辨。又有四書大全辨。皆以譏訕先賢。崇尚異說。獲罪名教不小。乞勅部毀版。庶先賢傳註。不為異說所奪。而學術大醇。人心可正矣。下所司察議。十一月丙寅。上自南苑出。西紅門。校獵。壬申。上駐蹕昌平州。是日。上道經明崇禎帝陵。淒然泣下。酌酒于陵前。復遣學士麻勒吉奠明太監王承恩墓。上閱明諸帝陵。甲戌。遣內大臣伯索尼祭明崇禎帝。遣官祭明成祖。仁宗。宣宗。英宗。憲宗。孝宗。武宗。世宗。穆宗。光宗。熹宗諸帝陵。諭工部曰。前代陵寢。神靈所栖。理應嚴為防護。朕巡幸畿輔。道經昌平。見明朝諸陵。殿宇牆垣。傾圮已甚。近陵樹

木多被斫伐。向來守護未周。殊不合理。爾部郎將殘毀諸處。盡行修葺。見存樹木。未禁樵採。添設陵戶。禮部覆禮科右給事中楊雍建疏言。濫刻四書諸家辨。大全辨諸書。畔道駁註。應令焚毀。併飾直省學臣校士。務遵經傳。不得崇尚異說。從之。戊寅。皇第六子奇授生。甲申。上駐蹕三屯營。是日諭禮部曰。明崇禎帝勵精圖治。十有七年。宜加諡號。以昭實行。今諡為莊烈愍皇帝。爾部郎遵諭行。十二月己丑。衍聖公孔興燮坐恣意濫刑。擅斃廟戶。革少傅兼太子太傅。甲午。上駐蹕天台山。戊戌。上還宮。乙巳。定世職承襲例。嫡子孫承襲外。有絕嗣者。許親兄弟及親兄弟子孫共襲三世。以後不許。

承襲其嗣。養疎遠宗族之子。亦不准襲。

乙卯。禘祭太廟。禘祭始于此。

十七年春正月戊午。諭禮部曰。朕荷天眷佑。續承祖宗鴻業。統御天下。夙夜乾惕。圖所以安海內。早底昇平。十有七年于茲。乃民生尚未盡遂。雖嚴懲貪官。而積習未改。滇黔雖入版圖。而伏莽未靖。征調猶繁。殫思竭力。治效未臻。負上天之簡卑。愧祖宗之寄托。虛皇太后教育之恩。孤四海萬民之望。非朕未嘗厲精求治。實由不德所致。反覆修省。罔敢即安。茲欲引咎自責。祭告天地宗廟社稷。布告中外。爾部郎擇期具奏。丙寅。諭禮部曰。祭祀樂歌。所以敬格神明。理宜虔恪。今太常寺奏樂人員。平日怠于肄習。以

致樂章音韻多不中節。該寺各官督演不勤。殊為疎玩。爾部卽嚴加申飾。以後務要演習精熟。聲調叶和。以副朕誠敬祭典之意。卒未定文武各官捐助馬匹五十匹以上者。犯錄一次。一百匹以上者。加一級。士申禮部覆工科都給事中姚廷啟疏言。各衙門大小官員。私交私宴。及慶賀餽送。應照職掌再行嚴禁。違犯者。科道官指名特糾。勅吏部從重議罪。失糾者。一併嚴處。得旨。是私交私宴。著依議嚴行禁革。如仍前違禁。私相交結。慶賀陞遷。餽送五幣。及無端設宴獻酬。假館陳樂。長夜酣歌的。科道官卽行指實糾察。從重治罪。如科道官徇情容隱。不行糾察。一併治

罪。庚辰。上以文廟告成。躬祭先師孔子。諭兵部曰。武科取士。拔其韜略弓馬之優者。足得真才。開弓舞刀。撥石。俱屬虛文。實為無益。以後試馬步箭論策。著照例行。其開弓舞刀。撥石。俱不必試。辛巳。上省躬引咎。詔大赦天下。二月戊子。平西王吳三桂疏報官兵大破賊于浦耳。征南將軍趙布泰班師。甲午。諭禮部曰。帝王奉天子民禮隆。禋祀享帝大典。所關尤重。必儀物克備。乃定昭對越之誠。向來郊祀。惟冬至用燔柴禮。祈穀壇未經舉行。嗣後祈穀壇俱行燔柴禮。爾部卽傳諭遵行。甲寅。頒賜諸王以下。甲喇章京等官以上。翻譯三國衍義。

三月辛酉。禮部覆刑科都給事中粘本盛疏言。祭祀周公。原于大學。至唐顯慶間。以周公制禮作樂。功侔帝王。儒宮就享。實貶其功。遂定周公配享武王。千帝王廟。既不與孔子並祭于大學。乃于文廟後。別立傳聖祠。殊失尊崇之禮。不便舉行。從之。丁卯。朝鮮國王李柵遣陪臣洪得箕等。齎表。謝諭祭。賜謚冊封恩。貢方物。宴賚如例。癸酉。諭兵部曰。武闡取士。原以選拔真才。以資實用。向來考試馬步箭。俱習沿舊例。用高大鞞把。以致軟弓小箭。易于倖中。其用滿式弓矢者。及不得合式。殊非收羅材勇之意。以後鄉會考試馬箭。照滿洲例。鞞帽步箭。照滿洲例。迺鞞尋常小

把爾部郎通行傳諭遵行。甲戌更定官名。論兵部曰。以

滿字仍稱固山額真。漢字稱為都統。梅勒章京。滿字仍稱梅勒章京。漢字稱為參領。牛录章京。滿字仍稱牛录章京。漢字稱為佐領。昂邦章京。滿字仍稱昂邦章京。漢字稱為總管。烏真超哈。滿字仍稱為真超哈。漢字稱為漢軍。爾部即傳諭。丙子。上御經筵。壬午。川陝總督李國英疏報。

官兵進勦下川東賊寇。生擒偽總兵譚益。陣斬偽總兵陳貴策。高鶴鳴。偽監軍道王文錦。張耀等。餘黨悉平。甲申。

更定公侯伯以下。章京以上。盔纓之制。公侯伯和碩額駙。多羅額駙。陸內大臣行走者。與間散內大臣。俱不論品級。盔頂上。插密狗尾。下垂紅纓。隨旗公侯伯。轟章京。副都統以下。章京以上。盔頂上。插獺尾。垂紅纓。皇上。三旗蝦。盔頂。插豹尾。其餘五旗蝦。插狶狸尾。俱垂紅纓。

夏四月癸巳。禮部言。定南王下殉難婦女法。一丹大李養

性毋張氏等共二百一十七口。查有父母兄弟子姪者。每日給銀二十兩。聽其自行建坊。無父母兄弟子姪者。官左一碑于通衢。將死難姓字籍貫彙列鐫刻。以表貞烈。報可。

甲午。上親試會試中式武舉馬步。躅于南苑。乙巳。定

諸侯以下。盈纓之制。

親王郡王。盈。用起花金。頂上嵌松子。珊瑚等石。下垂貂尾。只勒貝子。盈。用

起花金。頂上插密狗尾。下垂貂尾。入八分。公。盈。頂上插密狗尾。下垂貂尾。管銀公都統。盈。頂上插鵬羽。下垂貂尾。在

間散內。大臣。公。盈。頂上插密狗尾。下垂紅纓。在銀內。公。以

下。奉恩將軍以上。盈。頂上插豹尾。下垂紅纓。未入八分。公。以下。奉恩將軍以上。盈。頂上插獺尾。下垂紅纓。

丙午。皇第七子降禱生。平

西王吳三桂陳進取緬甸。疏曰。滇南負固有年。一朝戡

定。獨逆渠李定國等。挾偽求膺。遁出邊外。滇土雖死。滇

苟未結。邊患一日不息。兵馬一日不寧。臣以列維藩。何忍

以此貽憂君父。因再三籌畫。以為有三患。二難。求膺在緬。

李定國。白文選等分住三宣六慰。孟良一帶。藉求膺以鼓

惑衆心。倘不乘勝大舉入緬。以淨根株。萬一此輩復整敗

衆。窺我邊防。兵利則彼退藏。兵撤則彼復擾。此其患在門

戶。土司反復無定。惟利是趨。知我兵不動。逆兇假求膺以

號召。內外諸變。方如前日。元江之事。一被煽惑。遍地蜂起。

此其患在肘腋。投誠官兵。雖已安插。然革而尚未革心。求

膺在緬。于中豈無繫念。萬一邊關有警。若輩生心。此其患

在腠理。今滇中兵馬雲集。糧草既之。民間多論各省餉運

愆期。即召買。民室方若懸磬。市中米價日增。公私交困。措糴之難如此。召買糴草。民間必須搬運交納。年年召買。歲歲輸將。民力盡于官糴。耕作荒于南畝。各無生理。勢必逃亡。皮之不存。毛將安附。培養之難。又如此。臣用是徹底打算。惟有及時進兵。早收全局。誠使外孽一淨。則邊境無同隙之慮。土司無□惑之端。降人無觀望之志。地方稍得甦息。民力略可寬紓。一舉而數利存焉。竊謂救時之方。計在于此。下議政王貝勒大臣及戶兵二部。速議。己酉。上禘祀大享殿。合祀  
始此

五月乙卯。朔。調兵部尚書覺羅伊圖為吏部尚書。賜中

式武舉林本直等進士及第出身有差。丁巳。先是倭洛斯部落察罕汗。于順治十二年遣使問安。貢方物。不具表文。因其始行貢禮。資而遣之。金賜勅命。每歲入貢。後于十三年。又有使至。雖具表。但以其國禮立而授表。不跪拜。于是部議。來使不諳朝禮。不宜令朝見。却其貢物。遣之還。後閱歲。察罕汗復遣使。貢表。進貢。途經三載。至是始至。表內不遵正朔。稱一千一百六十五年。又自稱大汗。語多不遜。下諸王等臣議。僉謂宜逐其使臣。仍却貢物。奏入。得旨。察罕汗雖侍為酋長。表文矜誇不遜。然外邦從化。宜加涵容。以示懷柔。貢物察收。察罕汗及其使。量加恩賞。但不必遣

使報書爾衙門可即表文矜誇不遜。不令陛見之故。諭其使而遣之。己未。琉球國王勇馬宗毅初奉其國王命來貢。歸至福州。以海氛未靖。留閩七年。至是病卒。事上聞。命殮之。命賜以祭。甲子。陞刑部右侍郎阿思哈為兵部尚書。禮部左侍郎中和殿學士蘇納海為工部尚書。壬午。廷試就教歲貢生宗觀等五百餘人。安遠靖寇大將軍多羅信郡王多尼班師。癸未。平西王吳三桂疏報土那崙遣子繳偽印投誠。下兵部知之。

六月己酉。諭翰林院曰。翰林各官原係文學侍從之臣。分班直宿。以備顧問。往代原有成例。今欲于景運門內建造

直宿房。令翰林官直宿。朕不時召見顧問。兼以觀其學術才品。應分幾班。每班合用幾員。即開列職名具奏。浙江道監察御史李振宜言。天下財賦莫甚于東南。亦莫竭于東南。如雲南兵餉以千萬計。閩浙兵餉以百萬計。今以滇南初服。委之平西王。令其便宜從事。該藩兵力原厚。而滿洲綠旗兵丁復屯數萬。其間更番往來。閱歷數省。供億夫舡糧料。所費不貲。是不獨雲南困。而數省俱困矣。臣以為滇南宜先守禦。而守禦專任之。平西一藩。應分該省之滿兵駐劄湖南。相機接應。一則為滇南援臂。一則為三楚犄角。計至便也。至鄭逆遊寬。為閩浙江南三省重患。今大兵



入閩。搗其巢穴。夫彼之巢穴。固不止厦門舟山等處。而舡  
 即其巢穴也。閩浙造舡。且無論其累民。而我之兵馬。乘風  
 破浪。不顧萬死。以前駟。則性命全寄于篙師水手之手。倘  
 逆賊奸細。陽為應募。而我兵入其殼中。風水騰湧。弓刀莫  
 施。可不為寒心哉。臣以為閩浙江南亦當先守禦。而後征  
 剿。得旨。這奏內事情。關係重大。議政王貝勒大臣會同。  
 詳察議奏。丁亥。掌翰林院事學士折庫納疏陳八事。其  
 一。會議之實宜核。邇來會議。有迎合上意。而言者。有緘嘿  
 以從衆者。有觀望大臣。不肯輕言者。不幾有悖會議之意  
 乎。以後凡會議。宜各抒所見。具疏奏請。以聽宸斷。事定之

後。因其事之利弊。以觀其言之孰與不孰。用昭勸懲。而後  
 可收會議之實效。戊子。上以亢旱不雨。恐有冤抑。遣內  
 大臣愛星阿。遏必隆。索尼。蘇克薩哈。大學士成克鞏。衛周  
 祚。學士白色純。會同刑部。清理刑獄。己丑。調蘇納海為  
 兵部尚書。禮部覆山東道監察御史顧如華疏言。帝王  
 廟。創建于故明。及我朝。增定金太祖。金世宗。遼太祖。元大  
 祖。明太祖。共二十一帝。皆祭開創之主。不及守成賢君。但  
 守成不乏。誼主。如商之中宗。高宗。周之成王。康王。其行事  
 見于詩書史鑑。誠為守成令主。漢之文帝。史稱其節儉愛  
 民。海內安寧。家給人足。宋之仁宗。恭儉仁恕。忠厚之政。培

有宋三百年之基。明之孝宗。仁恭節用。任賢圖治。憂勤惕勵。始終不渝。應否入廟。並祭。仰候睿裁。得旨。商中宗。高宗。周成王。周康王。漢文帝。宋仁宗。明孝宗。俱入廟。並祭。遼太祖。金太祖。元太祖。原未混一天下。且其行事。亦不及諸帝。王。不宜與祭。著停止。庚寅。義王孫可望。疏辭封爵冊印。不允。壬辰。掌翰林院事學士折庫訥。王熙言。臣等遵諭。分翰林官為三班。直宿景運門。以備顧問。侍讀學士左敬祖。侍讀學士曹爾堪。侍讀熊伯龍。侍講綦汝楫。編修富鴻業。張貞生。檢討莊朝生。崔蔚林。八員為一班。侍讀學士曹本榮。侍講學士楊永寧。侍讀田逢吉。侍講田種玉。編修馬

允。檢討范廷魁。鄒度珙。熊賜履。八員為一班。侍讀學士張士甄。侍講學士劉芳躅。侍讀馮源濟。侍講党以讓。編修蕭惟豫。檢討宋之繩。譚象熊。賜璵。八員為一班。以上三班。依次直宿。周而復始。又臣等二員。原與各官職。拿相同。應否直宿。統候睿裁。得旨。是。折庫納。王熙著直宿。乙未。戶部遵諭。候奏。國賦不足。民生困苦。皆由兵馬日增之故。云。合天下正賦。止八百七十五萬兩。而雲南一省。需銀九百餘萬。竭天下之正賦。不足供一省之用。該省米價。每石至二十餘兩。兵民交敝。所係非小。平西甲兵。素稱精銳。今或撤滿兵。或酌減綠旗。並投誠官兵。應勅兵部酌議。務期求遠。

可行。其在京各衙門從匠役亦應勅各該衙門確查裁汰。得旨。這奏內兵馬錢糧國家要務關係重大。著議政王貝勒大臣會同密速議奏。先是。上育和碩承澤親王碩塞女于宮中。至是封為和碩公主。下嫁于平南王尚可喜子之隆。再申。上以禱雨率諸王文武羣臣素服步至南郊齋宿。是日早四際無雲。頃之陰雲密布甘霖大霑。庚子。以靖南王耿繼茂移駐廣西。賜之勅。勅畧曰。廣西僻在南

及交趾地方苗蠻疎處。奴服靡常。土司強種尤多狡悍。撫綏彈壓務在得人。茲特命王統領大兵移駐。

寅。議政王貝勒會議滇黔新附地方。尙有未薙髮者。臺臣疏內雖未言未應請勅平西王及該督撫務令概行薙髮。

從之。丁未。廷試就教歲貢生胡士藻等五百名。壬子。內大臣伯索尼遵諭上言十一事。其一曰。外藩法令宜寬也。外藩蒙古皆令遵內定法例。不許再醮同族之人為婚。太宗皇帝初定例時。因彼不能遵行。遂行停止。今在內各官命婦不許再醮。民人之婦自二十歲守節至四十歲者。准與旌表。在外各藩。并無此例。如必令遵行定例。恐男女之間。反滋悖亂。強繩之。非理也。今無遵舊例。以示寬容。秋七月甲寅朔。和碩簡親王濟度薨。年二十八。追封和碩純親王。乙卯。叙克雲南元江府登城功。戊子。先是。平西王吳三桂請以投誠兵丁分十營。每一千二百名為一

營以投誠統之營名。一曰忠勇。一曰義勇。各分中前後左右五營。併擬投誠偽爵馬寶等十員。為總兵。其應用中軍遊擊守備俱開。姓名具題。至是命馬寶以右都督充忠勇中營總兵官。李如碧以都督僉事充忠勇前營總兵官。高啟隆以都督同知充忠勇左營總兵官。以下略辛酉以甘霖應禱祭天於園丘。遣都統輔國公穆臣行禮。庚午陞總督倉場戶部左侍郎楊義為工部尚書。丁丑命靖南王耿繼茂停赴廣西率領全標官兵並家口移駐福建鎮守寧古塔總管巴海等疏報。臣等率兵至薩哈連采阿喇兩江合處。偵聞老棟賊衆在費牙喀國西界。隨同副

都統尼哈里海塔等領兵前進。至使狗地方。伏兵于兩岸。有賊艘奄至。伏發。賊即回遁。我兵追襲。弃舟登岸。敗走。斬首六十餘級。洩死者甚衆。獲婦女四十七名。并火礮盔甲器械等物。招撫費牙喀國一十五村一百二十餘戶。捷聞。辛巳命大學士李蔚撰殉明崇禎帝大監王承恩碑。文曰。上御極十有六年。德澤普徧。民物康和。文恬武熙。內外寧謐。爰以農隙。舉巡狩之禮。時維仲冬。駕發南苑。越信宿駐蹕。玉泉之麓。以道出昌平。有明諸陵在焉。特降德音。致祭。遂飾有司。先期減事。初上念明莊烈愍皇帝。勵精適亂。仁國非辜。業為建碑。陵寢。迨車駕蒞止。營于昌平之北。即日詣其地。瞻眺致敬。為感惻者久之。顧見陵側有土歸然。為明故司禮監大監王承恩墓。殉于萬歲山者也。上憫其忠義。遂命扈從學士臣麻勒吉。酌酒于其前。洎旋行在。復勅臣蔚撰述其事。碑于墓道。臣聞維皇降衷。五常之性。不擇人而具。故運有盛衰。而氣無厚薄。當其盛也。

則有琴鱗附翼者若而人。乘勢奮勇。以著一代開基之烈。當其衰也。則有仗節赴義者若而人。見危授命。以酬祖宗養士之恩。蓋倫常之重。不可一日上于天下。必有負荷之者。而後人心不灰。然而舍生取義之士。難言之矣。疑良率于中。禍患休于外。理欲之幾。間不容髮。故曰死或輕于鴻毛。或重于泰山。非死之難。處死之為難也。粵稽往古節烈之士。昭然方策者。類皆戴縱。垂纓。□□□。膺軍國之重寄。負當世之盛名。不幸變起倉卒。非一死不足謝責。乃疾風勁草。猶未敢云數數見也。至于中官之設。任不喻。掖庭之近。職不越。侍從之恆。雖云食祿。王朝而士君子所以責望之者。則與外臣有間。故載籍所傳。中官之賢者。公忠勤恪。如巷伯管蘇。呂強張承業之流。代不乏人。而猶無以殉節著者。誠不敢過求之耳。在昔崇禎甲申之變。大盜煽亂。海宇土崩。莊烈愍皇帝孤立于上。封疆大吏。望風而靡。在廷諸臣。怡然罔覺。及賊薄都城。陷不旋踵。帝執國君死社稷之義。赴萬歲山上。殞。舉朝文武。獸驚魚淪。奔迫途窮。惟王君分屬親臣。情深戀主。當柱傾維裂。自刃切膚之際。而近侍之職。跬步不舍。自經帝側。視死如歸。一時外廷臣子。慷慨捐軀者。雖有其人。而官闈勢隔。弗遂號弓。以視王君從容得所。蓋有感焉。其他或屈膝賊庭。殞身榜掠。而詭云

死難。或傾家納賄。冀贖餘生。而卒以不免。一死同也。其王君。美帝薰蕕之異哉。為乎。中官殉國。推為千古一人。洵無愧矣。明末死節諸臣。久荷皇上錫謚追褒。獨王君雖蒙賜□。出先尚雙。乃茲值變。與親幸。瞻顧垂慈。既命侍臣。莫以酒醕復命。墓道表以貞珉。慰忠魂。而樹風教。九原有知。王君必頰首感泣以承矣。雖然。王君節固奇偉。非遇我皇上如天之度。浩蕩之恩。則亦世遠蹟湮。草木同腐。是其生前之建立既難。而身後遭逢尤為不易。誠賢者之希連也。抑臣竊見從來寬仁之主。加惠勝國者。未有如我皇上之殷且厚也。弓劍所藏。感與曠世。方勅宗伯。薦以馨香。旋命司空。葺其傾圮。燹蘇永禁。守護加嚴。憫英君厄運之相值。而因以及其從死之臣。天語諄諄。俾獲不朽。深仁厚澤。有加無已。唐虞三代以還。頌揚君德者。莫能彷彿萬一。臣承乏。扈蹕。載筆是司。被命屬詞。欣悚交集。不敢以蕪陋。謹敬述梗槩。昭往代之忠貞。紀熙朝之盛事。用告來者。以有所瞻式興起。以仰副我皇上勸忠之至意云。 壬午。

命都統宗室羅託為安南將軍。統領官兵。征勦海寇鄭成功。癸未。初。固山貝子尚善出師雲南。于永昌等處。縱兵

搶掠良民婦女。上聞之。命刑部尚書能吐丹閣學士麻勒吉。往按其事。擬罪奏聞。及多羅信郡王多尼等旋師。上命宗人府再行質訊。情罪多不相符。以是命削能吐太子太保及拜他喇布勒哈番解任。籍沒家產一半。革麻勒吉為民。罰銀一百兩。

八月辛丑。遣內大臣公愛星阿為定西將軍。領官兵進征

逆賊李定國。遣刑部侍郎尼滿往江南會同劉之源等。

查審馬逢知叛逆情節。馬逢知提督江南與海寇交通 壬寅。皇貴妃董

氏薨。已酉。追封皇貴妃董氏為睿睿莊和至德宣仁溫

惠端敬皇后。

九月癸丑朔。安南國王黎維禿奉表投誠。附貢方物。得旨。

覽。玉表奏。輸忱向化。深可嘉悅。著察例具奏。甲寅。上為

端敬皇后服喪十二日。釋服。遣官致祭。辛酉。祭端敬皇

后。焚化梓宮。江寧巡撫朱國治疏言。鄭逆未靖。欲破校

窟。先度形勢。賊重負險。坐待我師。遠涉風潮。其勞逸不同。

賊衆熟識海險。我師弓馬馳騁。其素習不同。我船較之。賊

艦。大小懸殊。其攻取器用不同。臣謂以守寓戰。凡海邊江

口。多設墩堠烟砲。使賊勢困孤。衆心必變。乘間攻之。自能

擒魁獻馘。下所司速議。丁卯。平南王尚可喜疏報。官兵

進勦粵東文村隔水南廳賊寇。生擒偽伯周金湯偽總兵

李嘗榮投誠。尚可喜疏報。偽將軍鄧耀入踞海庸。官兵水陸夾擊。斬獲甚多。耀遁走交趾。偽黨梁信等就撫。巢穴平毀。壬申四川巡撫張所志言。蜀省初附。降將布滿巴川。而最稱雄傑者。莫如慕義向化。一侯。受爵二載。據紫如初。統兵未解。其餘指不勝屈。臣屢經疏陳。今果有郝承裔之變。伏乞勅下督撫。密查各降將有兵無兵。在城在砦。密疏奏聞。其中有擁兵難解。踪跡可疑者。沛以溫綸。召入京師。以為潛消之策。下兵部密速議奏。戊寅。上幸昌平州。觀故明諸陵。遂駐蹕。己卯。上還宮。丁亥。陞吏部右侍郎覺羅雅布蘭為刑部尚書。

冬十月戊子。諭禮部曰。朝鮮國每年貢鷹。雖循舊典。朕思道里遙遠。往來進獻。所糜物力不少。以後貢鷹著永行停止。己亥。以工部尚書管左侍郎事郭科為本部尚書。

己酉。新降普牙喀部落頭目柴邦阿奴。使狗部落頭目巴哈禪。郝勒兒部落頭目痕克忒等。初進貢黑狐貂皮。各賞

蟒朝衣一襲。庚戌。命立故明殉難太監王承恩碑。文曰。朕嘗

考諸史冊。見夫忠臣烈士。身殉國難。名炳千載。未嘗不掩卷三嘆也。雖忠義之性。命之于天。人人可以自盡。然當變亂之際。利害動于中。禍患伏于外。依違瞻顧。多不能引決。求夫風雨不渝。其常霜雪不易。其操者。蓋難之矣。若夫掖庭之中。貂珥之列。或恪恭者美。或勒憤流微。若漢之石強。唐之張成。亦可謂賢矣。至于國家多難。秉志不移。忠誠貫于金石。氣節昭于日星。尤足以激末流。而挽頹俗也。如明司禮監大監王承恩者。有可紀焉。當明季寇江。海內鼎沸。

沸。莊烈愍皇帝。勵精圖治。宵旰焦心。原非失德之主。良由有君無臣。孤立于上。將帥擁兵而不戰。文吏噤舌而管私。致羣盜縱橫。不能奏績。逮逆渠犯闕。國勢莫支。帝遂捐生。以殉社稷。而一時戴縱垂纓之士。在平時。則肯公樹黨。遇難。則苟且偷生。言之。可為太息。惟有范景文等十九人。無愧臣節。業賜謚。致祭。以旌其忠。然多士盈庭。赴義捐軀者。蓋不多見。獨承恩。且擊艱危。從容就義。從死愍帝之旁。其嶽嶽之風節。即古之忠臣烈士。何以加焉。既乃托體山河。庶幾林麓。末近園陵。常依隧道。可謂式慰幽靈。用綏貞魄者矣。朕自踐祚以來。斟酌前代之典章。洎夫有明。每深加嘆。其歷代山陵。近在畿輔。向令未禁樵採。守護維嚴。于順治十六年。因冬狩。駐蹕昌平。口勝國之松楸。感廢立之霜露。詣陵周覽。心惻久之。爰至思陵。念愍皇帝精勤遠邁。上國非辜。躬奠椒漿。尤增憫泣。顧見陵側。有土一坏。即承恩墓也。特命從臣酌酒焉。邇者當省歛之時。展輪宵駕。載履明諸陵。拜陳醑醴。復徘徊于思陵之所。撫荒墟。而洒涕。潑肯酒。而痛心。念茲從友之臣。彌與節義之感。于一厄。命大臣拜奠其墓。以勸忠也。謚義。危身奉上。險不辭難。曰忠。故忠君愛國。庸人每未之逮。貞烈之士。毅然行之。使百世之下。聞而興起者。慕謚。無窮也。矧承恩趨侍宮掖。出入禁闈。

其責任不繫乎封疆。名位不同。千公輔。而獨能視死如歸。豈非較然不欺其志者哉。以視世之讀書明大義。負重名者。變故當前。依阿填認。卒免且夕。其為人賢不肖。又何如也。用是勒之貞珉。使盡忠者以為勸。不忠者以為戒。且以告夫天下萬世之為人臣者。

十一月壬子朔。諭刑部曰。朕覽朝審招冊。待決囚犯甚衆。雖各犯自羅法網。國憲難寬。但朕思人命至重。概行正法。于心不忍。明年歲次辛丑。為皇太后本命元辰。普天共慶。又念端敬皇后彌留時。諄諄以矜恤秋決遺言。朕是以体上天好生之德。特冲解網之仁。見在監候各犯。概從減等。使之創艾省改。稱朕刑期無刑。嘉與海外維新之意。爾卿即會同法司。將各犯。比矧減等例。定擬罪名。開具簡冊。揭



來奏。丁巳。安南將軍明安達禮班師。遣官迎勞之。辛酉。革劉正宗職。乙丑。和碩敬謹親王尼思哈薨。年十歲。己巳。遣和碩額駙花魯。祭金太祖陵。內大臣公叅赫祭金世祖陵。辛未。義王孫可望薨。丁丑。命吏部尚書覺羅伊圖。禮部尚書烏赫。兵部尚書蘇納海。刑部尚書雅布。蘭杜。立德。工部尚書郭科。會同校訂律令。十二月。再申。山西道御史余縉言。浙省三面環海。而寧波一郡尤孤懸海。往時以舟山為外藩。設師鎮守。俾賊不敢揚帆直指。策至善也。邇來行間諸臣。怨倡捐弃之議。倘形勝之地。逆賊一旦據而有之。非近犯寧波。則遠窺江左。

應設一忠勇之將。重其事權。隨機措置。更徙內地之兵。增益營壘。以固疆圉。至杭紹兩境相對處。地名小門。其間江流甚溢。若于此嚴設防戍。安置砲臺。令賊舟不能溯江入犯。則會城永無風鶴矣。疏下部議。己亥。理藩院題喀爾喀部落土謙圖汗車臣汗畢西勒爾圖汗等。每年應令進貢白馬八匹。白駝一隻。其管固山汗貝勒及台吉。為首大臣喇嘛等。許其來京進貢。玉小台吉喇嘛等。託名貢馬。賀易。永行停止。仍不許入邊境。若欲置買茶帛等物。俱令歸化城交易。命嚴行曉諭。甲辰。皇第八子永幹生。是歲。入丁戶口一千九百八萬七千五百七十二。田地山蕩五

十□□九萬四千三十八頃三十畝。畦地二萬二千六百四十二個。征銀二千二百六十六萬四千二百二十三兩有奇。米麥豆六百一萬七千六百七十九石五斗有奇。草二百二十六萬六千六百二十五束。中茶八萬七千五百一十五篋。行鹽四百一十萬五千八百九十七引。徵課銀二百七十一萬六千八百一十六兩。鑄滿字錢二百萬八千三十九萬四千二百八十有奇。銅錢二千萬一千二百一十有奇。鈔一十二萬八千一百一十二貫四百七十有奇。

十八年春正月辛亥朔上不視朝免諸王文武羣臣行慶

賀禮。壬子上不豫。甲寅信郡王多尼薨年二十六。追封多羅宣和郡王。丙辰上大漸遣內大臣蘇克薩哈傳諭京城內除十惡死罪外其餘死罪及各項罪犯悉行釋放。丁巳夜子刻上崩于養心殿遺詔天下詔曰朕以涼德承嗣丕基十八年于茲矣自親政以來紀綱法度用人行政不能仰法太祖太宗謨烈因循悠忽苟安目前且漸習漢俗于淳朴舊制日有更張以致國治未遂是朕之罪一也。朕自弱齡卽遇皇考太宗皇帝上賓教訓撫養惟聖母皇太后慈育是依大恩罔極高厚莫酬惟朝夕趨承冀盡孝道□不幸子道不終誠悃未遂是朕之罪一也。皇考

賓天時。朕止六歲。不能服衰經。行三年喪。終天抱恨。惟侍奉皇太后。順志承顏。且冀萬年之後。庶盡子職。少抒前憾。今永違膝下。及上虛聖母哀痛。是朕之罪一也。宗室諸王。貝勒等。皆係太祖太宗子孫。爲國藩翰。理宜優遇。以示展親。朕于諸王。貝勒等。獎接既疎。恩惠復鮮。以致情誼睽隔。友愛之道未周。是朕之罪一也。滿洲諸臣。或歷世竭忠。或累年効力。宜加倚托。盡厥猷。爲朕不能信任。有才莫展。且明季失國。多由偏用文臣。朕不以爲戒。反委任漢官。郎部院印信。間亦令漢官掌管。以致滿臣無心任事。精力懈弛。是朕之罪一也。朕夙性好高。不能虛己。延納于用人之際。

務求其德與己相侔。未能隨材器使。以致每嘆乏人。若舍短錄長。則人有微枝。亦獲見用。豈遂至于舉世無材。是朕之罪一也。設官分職。惟德是用。進退黜陟。不可忽視。朕于廷臣中。有明知其不肖。乃不卽行罷斥。仍復優容姑息。如劉正宗者。偏私躁忌。朕已洞悉于心。乃容其久任政地。誠可謂見賢而不能舉。見不肖而不能退。是朕之罪一也。國用浩繁。兵餉不足。然金□錢糧。盡給官中之費。未嘗節省發施。及度支苦匱。每令會議。卽諸王大臣會議。豈能別有奇策。祇得議及裁減俸祿。以贍軍餉。厚已薄人。益上損下。是朕之罪一也。經營殿宇。造作器具。務極精工。求爲前代

後人之所不及。無益之地。靡費甚多。乃不自省察。罔體民艱。是朕之罪一也。端敬皇后。于皇太后克盡孝道。輔佐朕躬。內政聿修。朕仰奉慈綸。追念賢淑。喪祭典禮。絜從優厚。然不能以禮正情。諸事太過。踰濫不經。是朕之罪一也。祖宗創業。未嘗任用中官。且明朝亡國。亦因委用宦寺。朕明知其弊。不以為戒。設立內十三衙門。委用任使。與明無異。以致營私作弊。更踰往時。是朕之罪一也。朕性耽閑好靜。常圖安逸。燕處深宮。御朝絕少。以致與廷臣接見稀疎。上下情誼否塞。是朕之罪一也。人之行事。孰能無過。在朕日御萬機。自然多有違錯。惟肯听言納諫。則有過必知。朕每

自恃聰明。不能听言納諫。古之良賈深藏若虛。君子盛德容貍若愚。朕于斯言。大相違背。以致臣工緘默。不肯進言。是朕之罪一也。朕既知有過。每日剋責生悔。乃徒尚虛文。未能省改。以致過端日積。愆尤愈多。是朕之罪一也。太祖太宗創垂基業。所關至重。元良儲嗣。不可久虛。朕子修氏妃所生。年八歲。岐嶷穎慧。克承宗祧。茲立為皇太子。即遵典制。持服二十七日。釋服。即皇帝位。特命內大臣索尼。蘇克薩哈。遏必隆。鰲祥。為輔臣。伊等皆勳舊重臣。朕以腹心寄托。共勉矢忠。蓋保翊冲主。佐理政務。布告中外。咸使聞知。是歲三月癸酉。上尊諡。曰體天隆運。英睿欽文。大德

弘功至仁純孝章皇帝。廟號世祖。康熙元年六月壬寅葬  
孝陵。上在位十有八年。壽二十四。上冲齡踐祚。纘承丕  
緒。式廓鴻圖。惟時明運已終。流氛肆虐。四方鼎沸。萬姓陷  
危。上應天順人。命將出師。百萬巨寇。一戰而克。爰定鼎燕  
京。為天下生民主。未踰旬月。齊晉秦豫。傳檄歸降。由是平  
江淮。定楚蜀。下浙閩。王師所向。士女爭迎。兩粵滇黔。以次  
底定。雖士勇兵強。克敵奏凱。而進止方畧。悉稟廟謨。以故  
海宇廓清。用成大一統之業。武功赫耀。茂以加矣。上以上  
聖之資。承大亂之後。念紀綱凋敝。博採衆謀。監于成憲。凡  
禮樂刑政。措止施行。罔不粲然明備。期以明作惇大之道。


建久安長治之基。彬彬乎休轂遺烈。有唐虞三代之風焉。  
如敬天地。則郊壇禮祀之交虔。享宗廟。則禘祫烝嘗之畢  
舉。臨雍釋奠。任文尊師。以明人倫。復民性。耕藉步禱。發帑  
蠲租。以厚民生。固邦本。修賦役。全書。以革無藝之征。定大  
清律令。以滌煩等之法。減常貢。以綏懷達人。停營造。以愛  
惜民力。辨賢奸。慎黜陟。以興吏治。勤召對。廣諮訪。以達人  
情。掄才重制科之典。禮賢下徵。碎之書。崇禮讓。尙廉耻。以  
敦厚風俗。遺恤刑。停秋決。以重惜民命。諸如祀故明陵寢。  
為崇禎帝立碑。優恤勝國死難之臣。一切曠典。度越前代。  
聿當開闢之時。式昭謨烈之盛。固已規模弘遠。範圍古今。

矣。上聖神文武。秉自生知。仁存信慈。出于天性。事太皇太后。先意承志。仰愜歡心。雖一日萬幾。而問安視。孝養之道。靡不周至。定省之餘。長踞受教。入奉慈訓。出蒞臣民。以至御衆。以寬。接下以誠。虛己。遇豪俊之才。降志。從忠直之諫。董勸度僚。而刑賞必信。保全勳舊。而恩禮有加。是以文臣武士。宣力協心。人稱勳盛焉。而尤孜孜治道。惟日不足。篤好儒術。深求闕文。雖在輦輿。手不釋卷。建學齋于官中。秉燭披覽。常至夜分。御製資政要覽。內則衍義。編輯祖宗聖訓。孝經衍義諸書。舉行經筵日講。詔建景運門直廬。制度文章。史不勝紀。道兼備。德化並隆。以致聲教所通。

靡遠弗届。東至使鹿使犬。西至厄內忒黑土魯蕃。北至喀爾喀倭洛斯。南至琉球暹羅荷蘭西洋諸國。皆桴山航海。重譯來朝。稱臣闕下。嗚呼。惟上之有天下也。文致太平。武除禍亂。德風偃于羣黎。威定動手絕域。如兩儀之無不并包。似日月之無不燭炤。自古興王之跡。詩書所載。未有若斯之隆備者也。彌留詔下。深山窮谷。莫不奔走悲號。如喪考妣。深仁厚澤。洽于人心。功德顯懿。萬祀不祧。猗歟盛矣。

男 永根奕孫再校

清世祖章皇帝實錄採要卷之六終



清草實金求平 卷之六

Vertical columns of text, likely a list of items or a table of contents, written in a traditional Japanese style.

發行

書林

Grid of text listing publishers and locations. Columns include: 須原屋茂兵衛, 須原屋伊八, 山城屋佐兵衛, 和泉屋金右衛門, 岡田屋嘉七, 出雲寺文治郎, 紙屋惣右衛門, 榎並屋小兵衛, 近江屋平助, 伊丹屋善兵衛. Locations listed include 江戸日本橋通壹丁目, 同 湯草茅町三丁目, 同 日本橋通二丁目, 同 西國横山町三丁目, 同 芝神明前, 同 示都三條通升屋町, 同 肥前佐賀白山町, 同 大坂南久寶寺町, 同 心齋橋備後町, 同 心齋橋通南久寶寺町.

